

四庫全書薈要

• 乾隆御覽本

史部

資治通鑑卷一百三十一

宋司馬光撰

胡三省音註

宋紀十三

柔兆敦
牂一年

太宗明皇帝上之下

泰始二年春正月己丑朔魏大赦改元天安 癸巳徵
會稽太守尋陽王子房爲撫軍將軍以巴陵王休若代

之 去年子房已舉兵應尋陽
欲以休若代之會工外翻 甲午中外戒嚴以司徒建

安王休仁都督征討諸軍事車騎將軍江州刺史王玄

謨副之

使王玄謨拒尋陽之兵因以爲江州不復用休祐

休仁軍於南州以沈

攸之爲尋陽太守將兵屯虎檻

虎檻州名在赭圻東北江中蕪湖之西南也守

式又翻將即亮翻下同

時玄謨未發前鋒凡十軍絡繹繼至每夜

各立姓號不相稟受攸之謂諸將曰今衆軍姓號不同

若有耕夫漁父夜相呵叱

呵虎何翻叱昌栗翻

便致駭亂取敗之

道也請就一軍取號衆咸從之

史言沈攸之有將帥之畧所以能立功

鄧琬稱說符瑞詐稱受路太后璽書帥將佐上尊號於

晉安王子勛

璽斯氏翻帥讀曰率上時掌翻勛古勲字

乙未子勛即皇帝位

於尋陽改元義嘉以安陸王子綏爲司徒楊州刺史尋

陽王子房臨海王子項並加開府儀同三司以鄧琬爲

尚書右僕射張悅爲吏部尚書袁顗加尚書左僕射

顗魚

宣翻自餘將佐及諸州郡除官進爵號各有差 丙申以

征虜司馬申令孫爲徐州刺史令孫坦之子也

元嘉孝建之間

申坦爲將帥

置司州於義陽

文帝元嘉末置司州於汝南孝武大明中省廢今復置之領義

陽隨陽安陸南汝南四郡水行至建康二千七百里陸行一千七百里

以義陽內史龐孟

蚪爲司州刺史

龐皮江翻
蚪渠幽翻

徐州刺史薛安都冀州刺史

清河崔道固皆舉兵應尋陽上徵兵於青州刺史沈文

秀文秀遣其將劉彌之等將兵赴建康會薛安都遣使

邀文秀文秀更令彌之等應安都濟陰太守申闡據睢

陵應建康

將即亮翻使疏吏翻濟子禮翻睢音雖睢陵
縣前漢屬臨淮郡後漢屬下邳郡孝武大明

元年度屬濟陰郡沈約曰濟陰本屬兗州其民流寓徐
土因割地爲郡境隋并睢陵入夏丘縣唐以夏丘爲虹

縣屬泗州復漢舊縣名也虹漢書音貢今音
絳杜佑曰睢陵縣故城在泗州下邳縣東南安都遣其

從子直閣將軍索兒太原太守清河傅靈越等攻之

帝文

元嘉十年割濟南太山立太原郡唐齊州長清縣宋太原郡地也從才用翻守手又翻

聞令孫之

弟也安都壻裴祖隆守下邳劉彌之至下邳更以所領

應建康襲擊祖隆祖隆兵敗與征北參軍垣崇祖奔彭

城崇祖護之之從子也

垣護之爲將著功名於元嘉孝建之間

彌之族人

北海太守懷恭從子善明皆舉兵以應彌之薛索兒聞之釋睢陵引兵擊彌之彌之戰敗走保北海申令孫進

據淮陽

晉安帝義熙中土斷立淮陽郡於下邳角城唐泗州治宿豫縣古角城也

請降於索

兒

降戶江翻

龐孟蚪亦不受命舉兵應尋陽帝召尋陽王長

史行會稽郡事孔顗爲太子詹事以平西司馬庾業代

之又遣都水使者孔瑛入東慰勞

漢官有都水長屬少府晉屬大司農後遂

置都水使者掌河津漕渠凡水利事并督治船艦會工外翻觀音冀使疏吏翻瑛子皓翻勞力到翻

瑛說

觀以建康虛弱不如擁五郡以應袁鄧

東楊州所統五郡說輪芮翻

觀遂發兵馳檄奉尋陽吳郡太守顧瑛吳興太守王曇

生瑛五林翻義興太守劉延熙晉陵太守袁標皆據郡

曇徒含翻

應之上又以庾業代延熙爲義興業至長塘湖即與延

熙合益州刺史蕭惠開聞晉安王子勛舉兵集將佐謂

之曰湘東太祖之昭晉安世祖之穆其於當壁並無不

可

左傳楚共王無冢適有寵子五人無適立焉乃大有事於羣望而祈曰請神擇於五人使主社稷乃徧以

壁見於羣望曰當壁而拜者神所立也既乃密埋壁於太室之庭使五人齋而入拜長康王跨之靈王肘加焉子千子哲皆遠之平王弱抱而入再拜皆厭紐其後卒有楚國昭市招翻但景和雖昏本是

世祖之嗣

廢帝改元景和

不任社稷其次猶多吾荷世祖之眷

當推奉九江

任音壬荷下可翻自宋以來率謂江州爲九江晁氏志曰太湖一湖而曰五湖昭餘

祁一澤而曰九澤九江一水而曰九江余按書禹貢曰荆及衡陽爲荊州江漢朝宗于海九江孔殷孔安國注曰江於此州界分爲九道甚得地勢之中漢書地理志廬江郡尋陽縣禹貢九江在南皆東合於大江應劭曰

江自廬江尋陽分爲九尋陽地記曰九江一日烏江二曰淦江三曰烏白江四曰嘉靡江五曰呖江六曰源江七曰廬江八曰提江九曰箇江張須元九江圖云一日三里江二曰五州江三曰嘉靡江四曰烏土江五曰白蚌江六曰白鳥江七曰箇江八曰沙提江九曰廬江參差隨水長短或百里或五十里始於鄂陵終於江口會于桑落洲太康地記曰九江劉歆以爲湖漢九水入彭蠡澤也夏撰曰據此數說皆謂江水至是分爲九道獨曾氏謂爲不然曾氏謂下文導江過九江至于東陵東迤北會于匯說者謂東陵已陵也蓋今已陵與夷陵相屬東西夷陵一曰西陵則已陵爲東陵可知許慎曰地邪行也今江水過洞庭至已陵而後東北邪行合於彭蠡即經所謂過九江至于東陵東迤北會于匯也由是觀之九江不在潯陽明矣所謂九江者蓋今洞庭也考之前志沅水漸水渫水辰水敘水酉水醴水湘水資水皆合洞庭中東入于江所謂九江者豈非此乎宋白曰

江州潯陽郡禹貢九江孔殷彭蠡既瀦彭蠡在州南東
五十三里九江在州西北二十五里是也然則彭蠡以
東爲揚州之域九江以西即荊州之域周景式廬山記
云柴桑彭蠡之郊古三苗國舊屬廬江地又案尋陽記
云春秋時爲吳之西境楚之東境本在大江之北今蘄
州界古蘭城是也秦并天下以此屬廬江郡漢屬淮南
國後漢爲豫章廬江二郡之境三國之時此地雖爲督
護要津而未立郡吳但分尋陽隸武昌晉初尋陽猶理
江北溫嶠移於此始置尋陽郡隋爲九江郡余按秦并
天下置九江郡項羽封黥布爲九江王都六漠地理志
所謂九江在潯陽縣南沈約宋志尋陽本縣名因水名
縣水南注江二漢屬廬江吳立蘄春郡尋陽縣屬焉此
時尋陽之地在江北晉亂立尋陽郡後郡治於柴桑而
尋陽之名遂移於江南晉惠帝置江州治豫章成帝移
江州治尋陽時人蓋因漢志所謂九江在尋陽縣南而
尋陽又爲江州治所遂謂尋陽爲九江若禹貢之九江

其地實難考見若必以夷陵爲西陵遂以巴陵爲禹貢之東陵據取會洞庭之水爲九江考之前志會洞庭者不止九水而鄴道元水經注謂廬江郡有東陵鄉江夏有西陵縣故是言東尚書云江水過九江至于東陵者也西南流水積爲湖湖西有青林山又考水經注自沔口以下有湖口水加湖江水武口水烏石水舉水巴水希水蘄水利水皆南流注于江而後至青林水口亦可傳合九水之說但未敢以爲是九河之迹至漢已不可悉考而欲強爲乃遣巴郡太守費欣壽將五千人東下九江之說難矣

於是湘州行事何慧文廣州刺史袁曇遠梁州刺史柳元怙山陽太守程天祚皆附於子勛元怙元景之從兄

也費扶沸翻將即亮翻是歲四方貢計皆歸尋陽貢謂貢徒舍翻從才用翻

物計謂上計帳朝廷所保唯丹楊淮南等數郡其間諸縣或應

子勛東兵已至永世

吳分溧陽爲永平縣晉武帝太康元年更名永世縣屬丹楊郡其地

益在今安吉州建康府廣德軍三郡界下云永世今叛義興兵垂至延陵則其地又犬牙入今常州界東兵欲自此進取曲阿宮省危懼上集羣臣以謀成敗蔡興宗曰今普

天同叛宜鎮之以靜至信待人叛者親戚布在宮省若

繩之以灋則土崩立至宜明罪不相及之義

父子兄弟罪不相及

古義也物情既定人有戰心六軍精勇器甲犀利以待不

習之兵其勢相萬耳願陛下勿憂上善之

蔡興宗豈特以方嚴自將

蓋識時審勢者也

建武司馬劉順說豫州刺史殷琰使應尋

陽

說輸內翻

琰以家在建康未許右衛將軍柳光世自省内

出奔彭城過壽陽言建康必不能守琰信之且素無部

曲爲土豪前右軍參軍杜叔寶等所制不得已而從之

琰以叔寶爲長史內外軍事皆叔寶專之上謂蔡興宗

曰諸處未平殷琰已復同逆

復扶又翻

頃日人情云何事當

濟不

不讀曰否

興宗曰逆之與順臣無以辨今商旅斷絕米

甚豐賤四方雲合而人情更安

湘東篡位非其本心尋陽起兵名正言順故曰

逆之與順臣無以辨商旅斷絕米甚豐賤者前朝之積也四方雲合人情更安者積苦於狂暴而驟樂寬政也天下磐磐新主之資斯言豈不信哉以此卜之清蕩可必但臣之所憂更

在事後猶羊公言既平之後方當勞聖慮耳

羊祐之言見八十卷

晉武帝咸寧四年

上曰誠如卿言上知琰附尋陽非本意乃厚

撫其家以招之

汝南新蔡二郡太守周矜起兵於懸

瓠以應建康

汝南郡時治懸瓠宋以新蔡郡帖治汝南故周矜領二郡太守自是二郡太守多矣

袁覲誘矜司馬汝南常珍奇執矜斬之

誘音酉

以珍奇代

爲太守

上使冗從僕射垣榮祖還徐州說薛安都

諸垣

自畧陽歸南世在青徐立効爲士人所信重故使還說薛安都宄而隴翻從才用翻說輸芮翻下說孝同安

都曰今京都無百里地

京都謂建康四方皆奉

不論攻

圍取勝自可拍手笑殺且我不欲負孝武榮祖曰孝武

之行足致餘殃

不善之積必有餘殃孝武貪淫濟以奢虐人倫道盡故榮祖云然行下孟翻

今雖天下雷同

雷之發聲物無不隨時而應者故以響應爲雷同

正是速死無

能爲也安都不從因留榮祖使爲將

將即亮翻

榮祖崇祖之

從父兄也

從才用翻

兗州刺史殷孝祖之甥司法參軍葛

僧韶請徵孝祖入朝

據南史司法參軍當作司徒參軍請下當有徵字朝直道翻

上

遣之時薛索兒屯據津逕僧韶間行得至

間古說

孝祖

曰景和凶狂開闢未有朝野危極假命漏刻

朝直遙翻下同

主

上夷兇翦暴更造天地國亂朝危宜立長君

更工衡翻長知兩翻

而羣迷相煽構造無端貪利幼弱競懷希望使天道助

逆羣凶事申則主幼時艱權柄不一兵難互起豈有自

容之地舅少有立功之志

難乃旦翻少詩照翻

若能控濟義勇還

奉朝廷

控引也濟謂濟河音子禮翻南史作控濟河義勇文意尤爲明暢

非唯匡主靜

亂乃可以垂名竹帛孝祖具問朝廷消息僧韶隨方訓

譬并陳兵甲精彊主上欲委以前驅之任孝祖即日委

妻子於瑕丘

瑕丘縣故魯瑕邑漢屬山陽郡魏晉省宋爲兗州治所

帥文武二千

人隨僧韶還建康

帥讀曰率

時四方皆附尋陽朝廷唯保丹

楊一郡而永世令孔景宣復叛

復扶又翻

義興兵垂至延陵

晉武帝太康二年分曲阿之延陵鄉立延陵縣屬晉陵郡

內外憂危咸欲奔散孝祖

忽至衆力不少並僉楚壯士

江南謂中原人爲僉荆州人爲楚少詩照翻僉助庚

朝人情大安甲辰進孝祖號撫軍將軍假節都督前鋒

諸軍事遣向虎檻寵賚甚厚

賚來代翻

初上遣東平畢衆敬

詣兗州募人至彭城薛安都以利害說之

說輪芮翻

矯上命

以衆敬行兗州事衆敬從之殷孝祖使司馬劉文石守

瑕丘衆敬引兵擊殺之安都素與孝祖有隙使衆敬盡

殺孝祖諸子州境皆附之

爲畢衆敬以兗州降魏張本

唯東平太守

申纂據無鹽不從

爲申纂以城拒魏而死張本無鹽縣自漢晉以來屬東平隋廢省其地當

在唐鄆州界水經注濟水逕壽張縣須朐城西濟水西有安民亭亭北對安民山東臨濟水水東即無鹽縣界也杜佑曰鄆州治須昌縣漢無鹽故城在今縣東東平國故城亦在縣東纂鍾之曾孫也

申鍾

見九十五卷晉成帝咸和九年

丙午上親總兵出頓中堂辛亥以山

陽王休祐爲豫州刺史督輔國將軍彭城劉劬

劬彌充翻

寧

朔將軍廣陵呂安國等諸軍西討殷琰

考異曰宋畧二月庚申以休

祐都督西討

今從宋書

巴陵王休若督建威將軍吳興沈懷明尚

書張永輔國將軍蕭道成等諸軍東討孔覲時將士多

東方人父兄子弟皆已附覲

覲音冀

上因送軍普加宣示

曰朕方務德簡刑使父子兄弟罪不相及助順向逆者

一以所從爲斷

斷丁亂翻

卿等當深達此懷勿以親戚爲慮

也衆於是大悅凡叛者親黨在建康者皆使居職如故

壬子路太后殂

考異曰宋畧南史皆曰義嘉葬作太后心幸之廷上飲酒置毒以進侍

者引上衣上寤起以其厄上壽是日太后崩喪事如禮宋書無之今不取

孔覲遣其將孫

曇瓘等軍於晉陵九里

其地在晉陵西北九里因以爲名將即亮翻曇徒含翻

部

陳甚盛

陳讀曰陣下戰陳同

沈懷明至奔牛所領寡弱乃築壘自

固張永至曲阿未知懷明安否百姓驚擾永還延陵

就巴陵王休若諸將帥咸勸休若退保破岡

帥所類翻

其日

大寒風雪甚猛塘塿決壞

壞徒耐翻以土遏水曰塿

衆無固心休若

宣令敢有言退者斬衆小定乃築壘息甲尋得懷明書

賊定未進軍主劉亮又至兵力轉盛人情乃安亮懷慎

之從孫也

從才用翻

殿中御史吳喜以主書事世祖稍遷河

東太守

晉成帝咸康三年庾亮鎮荊州以司州僞戶立河東郡隋唐之松滋縣即其地也

至是

請得精兵三百致死於東上假喜建武將軍簡羽林勇

士配之議者以喜刀筆主者未嘗爲將不可遣

將即亮翻下同

中書舍人巢尚之曰喜昔隨沈慶之屢經軍旅性既勇

決又習戰陳若能任之必有成績諸人紛紜皆是不別

才耳

別彼列翻

乃遣之喜先時數奉使東吳

先悉薦翻數所角翻使疏吏翻

性寬厚所至人並懷之百姓聞吳河東來皆望風降散

降戶江翻

故喜所至克捷永世人徐崇之攻孔景宣斬之喜

板崇之領縣事喜至國山

國山在陽美縣界晉立義興郡分陽美置國山縣屬焉隋

廢國山入義興縣

遇東軍進擊大破之自國山進屯吳城

吳城當在

義興西南九域志所謂秦伯城是也

劉延熙遣其將楊玄等拒戰喜兵力

甚弱玄等衆盛喜奮擊斬之進逼義興延熙柵斷長橋

保郡自守

義興今常州之宜興也我朝之太平興國元年避太宗御名改爲宜興此長橋蓋在荆溪

之上今宜興縣南二十步有荆溪上承百瀆兼受數郡之水劉延熙蓋柵斷荆溪之橋以自保興地志曰今常

州宜興縣南三十步有長橋即周處新蛟之所

喜築壘與之相持庾業於長塘

湖口夾岸築城有衆七千人與延熙遙相應接

庾業叛建康與

延熙合見上

沈懷明張永與晉陵軍相持久不決外監朱幼

舉司徒參軍督護任農夫驍勇有膽力

任音壬驍堅堯翻

上以

四百人配之使助東討農夫自延陵出長塘庾業築城

猶未合農夫馳往攻之力戰大破之庾業弃城走義興

走音奏

農夫收其船仗進向義興助吳喜二月己未朔喜

渡水攻郡城

渡荆溪之水也

分兵擊諸壘登高指麾若令四面

俱進者義興人大懼諸壘皆潰延熙赴水死遂克義興

魏丞相太原王乙渾專制朝權

朝直遙翻下同

多所誅殺安

遠將軍賈秀掌吏曹事渾屢言於秀爲其妻求稱公主

秀曰公主豈庶姓所宜稱

魏制掌吏曹事即掌選曹事吏部尚書之職也凡非國之

同姓皆謂之庶姓爲于偶翻

秀寧取死今日不可取笑後世渾怒罵

曰老奴官慳會侍中拓跋丕告渾謀反庚申馮太后收

渾誅之秀彝之子

賈彝見一百八卷晉孝武太元二十年

丕烈帝之玄孫

也

拓跋翳槐追謚烈皇帝

太后臨朝稱制引中書令高允中書侍

郎高閭及賈秀共參大政 沈懷明張永蕭道成等軍

於九里西與東軍相持東軍聞義興敗皆震恐上遣積

射將軍濟陽江方興御史王道隆至晉陵視東軍形勢

濟子孔顗將孫曇瓘程杲宗列五城互相連帶杲宗城

猶未固王道隆與諸將謀曰杲宗城猶未立可以藉手

上副聖旨下成衆氣辛酉道隆帥所領急攻拔之

帥讀曰率

斬杲宗首永等因乘勝進擊曇瓘等壬戌曇瓘等兵敗

與袁標俱棄城走遂克晉陵吳喜軍至義鄉

晉惠帝永興元年分

吳興之長城立義鄉縣屬義興郡今湖州古
吳興也長興縣古長城也在州西北七十里 孔瑒屯吳

興南亭太守王曇生詣瑒計事聞臺軍已近瑒大懼墮

牀曰懸賞所購唯我而已今不遽走將爲人擒遂與曇

生奔錢唐

孔瑒將命于東乃勸孔覲舉兵故懼而走瑒于皓翻

喜入吳興任農夫

引兵向吳郡顧瑒棄郡奔會稽

瑒世林翻會工外翻

上以四郡既

平乃留吳喜使統沈懷明等諸將東擊

四郡晉陵義興吳興吳郡也

會稽召張永等北擊彭城江方興等南擊尋陽 以吏

部尚書蔡興宗爲左僕射侍中褚淵爲吏部尚書 丁

卯吳喜軍至錢唐孔瓘王曇生奔浙東喜遣彊弩將軍

任農夫等引兵向黃山浦

黃山浦今漁浦是也漁浦東南即後黃山諸暨志長寧鄉

在縣東四十五里管五里一曰黃山里在今越州西北四十五里

東軍據岸結寨農夫

等擊破之喜自柳浦渡取西陵

柳浦即今浙江亭東跨浦橋之浦也劉昫唐書

曰隋於餘杭縣置杭州又自餘杭徙治錢唐又移州於柳浦今州城是

擊斬庾業會稽人

大懼將士多奔亡孔瓘不能制

將即亮翻瓘音冀

戊寅上虞令

王晏起兵攻郡覬逃奔嵒山

嵒資昔翻據南史覬門生載覬以小船竄于嵒山村

車騎從事中郎張綏封府庫以待吳喜

駢奇計翻

已卯王晏

入城殺綏執尋陽王子房於別署

張綏蓋遣子房於別署故王晏就執之

縱兵大掠府庫皆空獲孔瑯殺之庚辰崱山民縛孔覲

送晏晏謂之曰此事孔瑯所爲無預卿士可作首辭

首式

又翻首辭所以首罪

當相爲申上

爲于偏翻上時掌翻

覲曰江東處分莫不

由身

處昌呂翻分扶問翻

委罪求活便是君輩行意耳晏乃斬之

史言孔覲臨死不改節

顧琛王曇生袁標等詣吳喜歸罪

謂歸而首罪也

喜皆宥之東軍主凡七十六人

一軍之帥謂之軍主

臨陳斬十七

人其餘皆原宥

爲吳喜得罪張本陳讀曰陣

薛索兒攻申闡久不

下使申令孫入睢陵說闡闡出降索兒并令孫殺之

古

有言禍莫大於殺已降爲申令孫之子殺薛索兒張本說輸芮翻降戶江翻下同

山陽王休

祐在歷陽輔國將軍劉劭進軍小峴

劭彌充翻峴戶典翻

殷琰所

署南汝陰太守裴季之以合肥來降

沈約曰江左置南汝陰郡所治即合

肥縣降戶江翻

鄧琬性鄙闇貪吝既執大權父子賣官鬻爵

使婢僕出市道販賣酣歌博奕日夜不休

酣戶甘翻

大自矜

遇賓客到門者歷旬不得前內事悉委褚靈嗣等三人

羣小橫恣競爲威福於是士民忿怨內外離心

史言尋陽敗亡

之由橫
戶孟翻

琬遣孫冲之帥龍驤將軍薛常寶陳紹宗焦度

等兵一萬爲前鋒據赭圻

劉昫曰池州南陵縣漢春穀縣地梁置南陵縣治赭圻城

唐長安四年移治青陽城
帥讀曰率赭音者圻音畿

冲之於道與晉安王子勛書

曰舟楫已辦糧仗亦整

楫與同

三軍踴躍人爭効命便欲

沿流挂帆直取白下

白下在江寧縣界臨江津

願速遣陶亮衆軍兼

行相接分據新亭南洲則一麾定矣子勛加冲之左衛

將軍以陶亮爲右衛將軍統郢荆湘梁雍五州兵

雍於用翻

合二萬人一時俱下陶亮本無幹畧聞建安王休仁自

上上時

殷孝祖又至不敢進屯軍鵠洲

鵠洲在宣城郡南陵縣左傳之

鵠岸也杜預曰鵠岸謂廬江舒縣鵠尾渚審是則鵠頭在宣城界鵠尾在廬江界鵠洲則江中之洲也

殷

孝祖負其誠節

誠節謂委鎮勤王不顧妻子也

陵轢諸將

陵侵也侮也轢車踐也音

狼狄

臺軍有父子兄弟在南者孝祖悉欲推治

南南軍也南謂

尋陽在南臺軍沂江南上而攻之治直之翻

由是人情乖離莫樂爲用

樂音洛

寧朔將軍沈攸之內撫將士外諧羣帥衆並賴之孝祖

每戰常以鼓蓋自隨軍中人相謂殷統軍可謂死將矣

撫將即亮翻下同帥所類翻

今與賊交鋒而以羽儀自標顯若善射

者十人共射之

共射而亦翻

欲不斃得乎三月庚寅衆軍水

陸並進攻赭圻陶亮等引兵救之孝祖於陳爲流矢所

中死

陳讀曰陣中竹仲翻

軍主范潛帥五百人降於亮

帥讀曰率下同降戶

江翻人情震駭並謂沈攸之宜代孝祖爲統時建安王休

仁屯虎檻遣寧朔將軍江方興龍驤將軍襄陽劉靈遺

各將三千人赴赭圻

驤思將翻各將即亮翻

攸之以爲孝祖既死

亮等有乘勝之心明日若不更攻則示之以弱方興名

位相亞必不爲已下

攸之方興皆寧朔將軍故言名位相亞亞次也

軍政不壹

致敗之由也乃帥諸軍主詰方輿曰今四方並反國家

所保無復百里之地唯有殷孝祖爲朝廷所委賴鋒鏑

裁交輿尸而反文武喪氣

喪息浪翻

朝野危心事之濟否唯

在明旦一戰戰若不捷大事去矣詰朝之事

詰起吉翻杜預曰詰

朝明旦

諸人或謂吾應統之自卜懦薄幹畧不如卿今輒

相推爲統但當相與勑力耳方輿甚悅許諾攸之既出

諸軍主並尤之攸之曰吾本濟國活家豈計此之升降

且我能下彼彼必不能下我豈可自措同異也

沈攸之咸陽

之功攝也郢城之敗驕也下戶嫁翻

孫冲之謂陶亮曰孝祖梟將一戰便

死天下事定矣不須復戰便當直取京都亮不從

孫冲之狂

殷孝祖之死便欲順流長驅輕敵如此使陶亮從其計必與沈攸之等遇亦將以輕敵取敗矣梟堅亮翻將即

亮翻復扶又翻

辛卯方興帥諸將進戰

帥讀曰率下同

建安王休仁又

遣軍主郭季之步兵校尉杜幼文屯騎校尉垣恭祖龍

驤將軍濟地頓生京兆段佛榮

濟地頓生四字必有誤

等三萬人

往會戰自寅及午大破之追北至姥山而還

今太平州當塗縣西

北四十五里有慈姥山又巢湖中有姥山

幼文驥之子也

元嘉中杜驥任當方面

孫冲

之於湖白口

巢湖口及白水口也

築二城軍主竟陵張興世攻拔

之壬辰詔以沈攸之爲輔國將軍假節代殷孝祖督前

鋒諸軍事陶亮聞湖白二城不守大懼急召孫冲之還

鵲尾留薛常寶等守赭圻先於姥山及諸岡分立營寨

亦各散還共保濃湖

濃湖在鵲尾下先悉薦翻

時軍旅大起國用不

足募民上錢穀者賜以荒縣荒郡或五品至三品散官

有差

荒郡荒縣極邊郡縣被兵荒殘者也賜之者以郡守縣令及參佐等職名賜之上時掌翻散悉重翻

軍中食少

少詩沼翻

建安王休仁撫循將士均其豐儉弔死

問傷身自隱卹隱度也痛也
恤憂也慙也故十萬之衆莫有離心鄧

琬遣其豫州刺史劉胡帥衆三萬鐵騎二千東屯鵲尾

并舊兵凡十餘萬舊兵謂尋陽先所遣陶亮孫
冲之等之兵騎奇計翻下同胡宿將

勇健多權畧屢有戰功將士畏之將即亮
翻下同司徒中兵參

軍冠軍蔡那蔡那南陽冠軍
人冠古玩翻子弟在襄陽胡每戰懸之

城外劉胡自襄陽東下拘蔡那子弟
以隨軍爲蔡道淵執子勛張本那進戰不顧吳喜

既定三吳帥所領五千人并運資實至于赭圻史言建
康兵勢

盛益薛索兒將馬步萬餘人自睢陵渡淮進逼青冀二

州刺史張永營丙申詔南徐州刺史桂陽王休範統北

討諸軍事進據廣陵又詔蕭道成將兵救永 戊戌尋

陽王子房至建康上宥之貶爵爲松滋侯 庚子魏以

隴西王源賀爲太尉 上遣寧朔將軍劉懷珍帥龍驤

將軍王敬則等步騎五千助劉劬討壽陽斬廬江太守

劉道蔚懷珍善明之從子也 劉善明彌之之從子
蔚紆勿翻從才用翻 中

書舍人戴明寶啟上遣軍主竟陵黃回募兵擊斬尋陽

所署馬頭太守王廣元 杜佑曰馬頭城在
壽州盛康縣北 前奉朝請

壽陽鄭黑起兵於淮上以應建康東扞殷琰西拒常珍

奇乙巳以黑爲司州刺史

以鄭黑之東扞西拒觀之則起兵淮上蓋在東西正陽之

間朝直遥翻 考異曰宋殷琰傳作鄭墨今從宋本紀宋畧

殷琰將劉順柳倫皇

甫道烈龐天生等馬步八千人東據宛唐

宛唐按水經注作死寧云

肥水過九江成德縣西北入芍陂又北右合閭潤水水積爲陽湖陽湖水自塘西北逕死寧亭宋泰始初劉順據之以拒劉劭杜佑通典作死虎曰死虎地名在壽州壽春縣東四十餘里龐皮江翻劉劭率衆

軍並進去順數里立營

勦彌充翻帥讀曰率下同

時琰所遣諸軍並

受順節度而以皇甫道烈土豪柳倫臺之所遣順本卑

微唯不使統督二軍

土豪既不可令臺之所遣者又不
可令則置帥果何爲也其敗宜矣

勔始至塹壘未立

整七
鮑翻

順欲擊之道烈倫不同順不能

獨進乃止勔營既立不可復攻因相持守

復扶
又翻

壬子

斷新錢

并元嘉四銖孝建四銖
皆斷不用也斷讀如短

專用古錢

沈攸之帥

諸軍圍赭圻薛常寶等糧盡告劉胡求救胡以囊盛米

繫流查及船腹

盛時征翻查助加翻水中
浮木也船腹船中心也

陽覆船順風

流下以餉之沈攸之疑其有異遣人取船及流查大得

囊米丙辰劉胡帥步卒一萬夜斫山開道以布囊運米

餉赭圻平旦至城下猶隔小塹未能入沈攸之帥諸軍邀之殊死戰胡衆大敗捨糧棄甲緣山走斬獲甚衆胡被創僅得還營

被皮義翻

常寶等惶懼夏四月辛酉開城突

圍走還胡軍攸之拔赭圻城斬其寧朔將軍沈懷寶等納降數千人陳紹宗單舸奔鵲尾

降戶江翻舸古我翻

建安王休

仁自虎檻進屯赭圻劉胡等兵猶盛上欲綏慰人情遣

吏部尚書褚淵至虎檻選用將士時以軍功除官者衆

板不能供

程大昌曰魏晉至梁陳授官有板長一尺二寸厚一寸闊七寸授官之辭在于板上爲鵲

頭始用黃紙鄧琬以晉安王子勛之命徵袁顗下尋陽

顗悉雍州之衆馳下琬以黃門侍郎劉道憲行荊州事

侍中孔道存行雍州事

雍於用翻

上庸太守柳世隆乘虛襲

襄陽不克世隆元景之弟子也散騎侍郎明僧暲起

兵攻沈文秀以應建康

明氏自云吳太伯之裔百里奚之子孟明視以明爲姓散悉宜

翻騎奇計翻

壬午以僧暲爲青州刺史平原樂安二郡

太守王玄默據琅邪

武帝平齊置平原郡於梁鄒樂安郡於千乘玄默據琅邪起兵非就

郡起兵也劉胸曰平原隋改曰龔邱屬兗州

清河廣川二郡太守王玄邈據

盤陽城

武帝置清河郡於盤陽廣川郡於武彊五代志齊郡長山縣舊曰武彊置廣川後併東清河平

原二郡入焉改曰東平原郡隋廢郡改武彊曰長山則是平原清河廣川三郡皆置於隋長山縣界盤陽漢般陽縣也屬濟南郡應劭曰在般水之陽按水經注般陽縣西南即梁鄒縣劉胸曰唐淄川淄川縣漢般陽縣地也

高陽勃海二郡太守劉乘民據臨濟城

文帝置高陽郡於樂安地

孝武置勃海郡於臨淄地臨濟縣屬樂安郡按水經注臨濟縣在梁鄒東北臨濟子禮翻

並起兵以

應建康主邀玄謨之從弟乘民彌之之從子也

從才用翻沈

文秀遣軍主解彥士攻北海拔之殺劉彌之乘民從弟

伯宗合帥鄉黨復取北海

解戶買翻帥讀曰率復扶又翻下而復更復可復假復國

復復
嬰同

因引兵向青州所治東陽城

杜佑曰東陽城青州所治益都縣東城是

也治直之翻

文秀拒之伯宗戰死僧嵩玄默玄邈乘民合兵

攻東陽城每戰輒爲文秀所破離而復合如此者十餘

卒不能克

言不能克東陽城卒子恤翻

杜叔寶謂臺軍住厯陽不

能遽進及劉劭等至上下震恐劉順等始行唯齎一月

糧既與劭相持糧盡叔寶發車千五百乘載米餉順自

將五千精兵送之

乘繩證翻將即亮翻

呂安國聞之言於劉劭曰

劉順精甲八千我衆不能居半相持既久彊弱勢殊更

復推遷則無以自立所賴者彼糧行竭我食有餘耳若

使叔寶米至非唯難可復圖我亦不能持久今唯有間

道襲其米車

問古
覓翻

出彼不意若能制之當不戰走矣

以爲然以疲弱守營簡精兵千人配安國及龍驤將軍

黃回使從間道出順後於橫塘抄之

水經注閭潤水上
承施水於合肥縣

北復逕縣西積爲陽湖陽湖水自塘西北逕死雱亭南
夾橫塘西注宋泰始初劉順據之以拒劉劭杜叔寶送

糧死雱劉劭破之此塘
驤思將翻抄楚交翻

安國始行齋二日熟食食盡叔

寶不至將士欲還安國曰卿等旦已一食今晚米車不

容不至若其不至夜去不晚叔寶果至以米車爲函箱

陳陳讀叔寶於外爲遊軍幢主楊仲懷將五百人居前

陳傳

安國回等擊斬之及其士卒皆盡叔寶至回欲乘

勝擊之安國曰彼將自走不假復擊退三十里止宿夜

遣騎參侯

騎奇寄翻

叔寶果弃米車走安國復夜往燒米車

驅牛二千餘頭而還

還從宣翻又如字

五月丁亥朔夜劉順衆

潰走淮西就常珍奇

常珍奇據懸瓠在淮水之西走音奏

於是劉劬鼓行

進向壽陽叔寶斂居民及散卒嬰城自守劬與諸軍分

營城外山陽王休祐與殷琰書爲陳利害

爲于
偏翻

上又遣

御史王道隆齎詔宥琰罪勗與琰書并以琰兄瑗子邈

書與之琰與叔寶等皆有降意

降戶江
翻下同

而衆心不壹復

嬰城固守弋陽西山蠻田益之起兵應建康詔以益之

爲輔國將軍督弋陽蠻事壬辰以輔國將軍沈攸之爲

雍州刺史

雍於
用翻

丁未以尚書左僕射王景文爲中軍將

軍庚戌以寧朔將軍劉乘民爲冀州刺史

沈攸之
征軍前欲以

代袁顗劉乘民在臨
濟就以冀州授之

甲寅葬昭太后於修寧陵

路太
后謚

曰昭修寧陵在
孝武陵東南

張永蕭道成等與薛索兒戰大破之

索兒退保石梁

今揚州六合縣有石梁河江左置石梁郡隋唐之間置石梁縣

食盡而

潰走向樂平

樂平縣前漢曰清屬東郡後漢章帝更名樂平江左以樂平縣民流寓者僑立樂平

縣於鍾離郡界

爲申令孫子孝叔所斬

申孝叔報父之仇也

薛安都子道

智走向合肥詣裴季之降傅靈越走至淮西武衛將軍

沛郡王廣之生獲之送詣劉劬劬詰其叛逆

詰去吉翻

靈越

曰九州倡義豈獨在我薛公不能專任智勇委付子姪此其所以敗也人生歸於一死實無面求活劬送詣建

康上欲赦之靈越辭終不改乃殺之 鄧琬以劉胡與

沈攸之等相持久不決乃加袁顗督征討諸軍事六月

甲戌顗帥樓船千艘戰士二萬來入鵲尾顗本無將略

性又怯撓

顗魚豈翻帥讀曰率艘蘇
遺翻將即亮翻撓奴教翻

在軍中未嘗戎服

語不及戰陳唯賦詩談義而已不復撫接諸將劉胡每

論事酬對甚簡

陳讀曰陣復扶
又翻酬答也

由此大失人情胡常切

齒恚恨

恚於
避翻

胡以南運米未至軍士匱乏就顗借襄陽

之資顗不許曰都下兩宅未成方應經理

兩敵相向勝
負之決存亡

條馬袁顗乃欲留襄陽之資以經理私宅子勛既敗都下兩宅豈顗有哉

又信往來之言云

建康米貴斗至數百以爲將不攻自潰擁甲以待之

擁甲

猶言擁

田益之帥蠻衆萬餘人圍義陽

宋白曰義陽本漢平氏縣

兵也

義陽鄉之地魏黃初中分平氏居義陽郡及義陽縣

鄧琬使司州刺史龐孟蚪帥

精兵五千救之益之不戰潰去安成太守劉襲始安

內史王識之

考異曰宋書作王職之今從宋畧

建安內史趙道生並舉

郡來降

降戶江翻

襲道憐之孫也

道憐武帝之弟

蕭道成世子贍爲

南康贍令

贍士革翻蕭道成爲齊公贍始爲世子此世字衍贍縣漢屬豫章郡吳屬廬陵郡晉分屬

南康郡章貢二水合而爲贛音古暗翻

鄧琬遣使收繫之

使疏吏翻

門客蘭陵

桓康擔贖妻裴氏及其子長懋子良逃於山中與贖族

人蕭欣祖等結客得百餘人攻郡破獄出贖南康相沈

肅之帥將吏追贖贖與戰擒之贖自號寧朔將軍據郡

起兵

據南康郡也帥讀曰率將即亮翻琬傳云世子與南康相沈用之等據郡起義宋畧

考異曰宋鄧

亦云沈肅之以郡招起義按贖始自獄中劫出琬所署南康相不容便與之同今從蕭子顯南齊書紀

與

劉襲等相應琬以中護軍殷孚爲豫章太守督上流五

郡豫章廬陵臨川安成南康五郡皆在南江上流

以防襲等

衡陽內史王應

之起兵應建康襲擊湘州行事何慧文於長沙應之與

慧文捨軍身戰斫慧文八創

創初良翻

慧文斫應之斷足殺

之始興人劉嗣祖等據郡起兵應建康廣州刺史袁

曇遠遣其將李萬周等討之嗣祖誑萬周云尋陽已平

萬周還襲番禺擒曇遠斬之

曇徒含翻誑居況
翻番禺音潘愚

上以萬

周行廣州事

初武都王楊元和治白水

據北史此武都之白水也

按五代志武昌建威縣舊立白水郡建威唐省入階州將利縣

微弱不能自立棄國奔

魏元和從弟僧嗣復自立屯葭蘆

從才用翻復扶又翻下開復同

費欣

壽至巴東

費扶
涕翻

巴東人任叔兒據白帝自號輔國將軍

擊欣壽斬之

蕭惠開遣欣壽
東下見上正月

叔兒遂阻守三峽

江水自
巴東至

夷陵其間有廣溪峽巫峽西陵峽謂之三峽一曰三峽
西峽歸峽巫峽七百里中兩岸連山畧無缺處隱天蔽

日非日中夜
分不見日月

蕭惠開復遣治中程法度將兵三千出梁

州楊僧嗣帥羣氏斷其道間使以聞

帥讀曰率斷丁管
翻間古莧翻使疏

吏秋七月丁酉以僧嗣爲北秦州刺史武都王

諸軍

與袁顗相拒於濃湖久未決龍驤將軍張興世建議曰
賊據上流兵彊地勝我雖持之有餘而制之不足若以

奇兵數千潛出其上因險而壁見利而動使其首尾周
遑進退疑阻中流既梗糧運自艱此制賊之奇也錢溪

江岸最狹

新唐書地理志宣州南陵縣有梅根監錢官下云陳慶至錢溪軍於梅根蓋今之梅根港

是也以有錢錢監故謂之錢溪

去大軍不遠下臨洄洑

旋流曰洄伏流曰洑

船下

必來泊岸又有橫浦可以藏船千人守險萬夫不能過

衝要之地莫出於此沈攸之吳喜並贊其策會龐孟蚪

引兵來助殷琰

龐孟蚪自義陽來援壽陽

劉劭遣使求援甚急

劭彌充翻

使疏史翻

建安王休仁欲遣興世救之沈攸之曰孟蚪蟻聚

必無能爲遣別將馬步數千足以相制

將卽亮翻下同

興世之

行是安危大機必不可輟乃遣段佛榮將兵救劬而選

戰士七千輕舸二百配興世興世帥其衆沂流稍上尋

復退歸

荆古我翻帥讀曰率上時掌翻復扶又翻

如是者累日劉胡聞之笑

曰我尚不敢越彼下取揚州

揚州謂建康

張興世何物人欲

輕據我上不爲之備一夕四更

更工衡翻

值便風興世舉帆

直前渡湖白過鵲尾胡既覺乃遣其將胡靈秀將兵於

東岸翼之而進戊戌夕興世宿景洪浦靈秀亦留興世

潛遣其將黃道標帥七十舸徑趣錢溪立營寨

趣七已喻翻

亥興世引兵進據之靈秀不能禁庚子劉胡自將水步

二十六軍來攻錢溪

考異曰宋畧曰胡進軍鵲頭遣其將陳慶以三百舸逼錢溪今從

宋書將士欲迎擊之興世禁之曰賊來尚遠氣盛而矢驟

驟既易盡

言矢易盡易以鼓翻下同

盛亦易衰不如待之令將士治

城如故俄而胡來轉近船入洄沅興世命壽寂之任農夫率壯士數百擊之衆軍相繼並進胡敗走斬首數百胡收兵而下時興世城寨未固建安王休仁慮袁顗并

力更攻錢溪欲分其勢辛丑命沈攸之吳喜等以皮艦

進攻濃湖

以牛皮冒艦以禦矢石因謂之皮艦艦戶黠翻

斬獲千數是日劉胡

帥步卒二萬鐵馬一千欲更攻興世未至錢溪數十里

袁顗以濃湖之急遽追之錢溪城由此得立胡遣人傳

唱錢溪已平衆並懼沈攸之曰不然若錢溪實敗萬人

中應有一人逃亡得還者必是彼戰失利唱空聲以惑

衆耳勒軍中不得妄動

勒約勒也

錢溪捷報尋至攸之以錢

溪所送胡軍耳鼻示濃湖袁顗駭懼攸之日暮引歸

龍驤將軍劉道符攻山陽程天祚請降

程天祚附子
勛見上正月

龐孟蚪進至弋陽劉劭遣呂安國等迎擊於蓼潭

漢志六安

國有蓼縣晉屬安豐郡水經注決水逕蓼縣故城東灌水會焉所謂蓼潭當在此處

大破之孟蚪

走向義陽王玄謨之子曇善起兵據義陽以應建康

曇徒

含孟蚪走死蠻中

劉胡遣輔國將軍薛道標襲合肥

殺汝陰太守裴季之

裴季之以合肥降
劉劭見上二月

劉劭遣輔國將

軍垣閭擊之閭閭之弟

垣閭見一百二十九
卷孝武帝大明三年

道標安都

之子也

淮西人鄭叔舉起兵擊常珍奇以應鄭黑卒

亥以叔舉爲北豫州刺史 崔道固爲土人所攻閉門

自守

崔道固以歷城應
尋陽見上正月

上遣使宣慰道固請降

降戶江
翻下同

甲寅復以道固爲徐州刺史

道固本刺冀州復扶
又翻下不復足復同

八

月皇甫道烈等聞龐孟蚪敗並開門出降

元虎師清皇
甫道烈蓋奔

通奇
陽

張興世既據錢溪濃湖軍乏食鄧琬大送資糧

畏興世不敢進劉胡率輕舸四百由鵲頭內路欲攻錢

溪

鵲洲在江中江水分流故
有內路外路舸古我翻

既而謂長史王念叔曰吾

少習步戰未閑水鬪

少詩照翻
閑亦習也

若步戰恒在數萬人中

水戰在一舸之上舸舸各進不復相關

恒戶登翻復扶又翻

正在

三十人中此非萬全之計吾不爲也乃託瘡疾住鵲頭

不進

瘡逆約翻疾而寒熱透作爲瘡

遣龍驤將軍陳慶將三百舸向錢

溪戒慶不須戰張興世吾之所悉自當走耳陳慶至錢

溪軍於梅根胡遣別將王起將百舸攻興世興世擊起

大破之胡率其餘舸馳還謂顗曰興世營寨已立不可

猝攻昨日小戰未足爲損陳慶已與南陵大雷諸軍共

遏其上大軍在此鵲頭諸將又斷其下流

斷丁管翻

已墮圍

中不足復慮顛怒胡不戰謂曰糧運鯁塞當如此何

鯁塞

言若魚骨之鯁塞咽喉然塞悉則翻

胡曰彼尚得汭流越我而上

上時掌翻

此

運何以不得汭流越彼而下邪乃遣安北府司馬沈仲

玉將千人步趣南陵迎糧

趣七喻翻下同

仲玉至南陵載米三

十萬斛錢布數十舫豎榜爲城

舫南妄翻豎臣庾翻立也榜補囊翻木片也

規欲突過行至貴口不敢進

水經注江水自石城東入爲貴口今池州貴池縣之

池口即貴口也張舜民曰自銅陵舟六十許里至梅根港又五十許里至貴池口

遣間信報胡

間古覓翻令遣重軍援接張興世遣壽寂之任農夫等將三

千人至貴口擊之仲玉走還顓營悉虜其資實胡衆駭

懼胡將張喜來降

將即亮翻降戶江翻下同

鎮東中兵參軍劉亮進

兵逼胡營胡不能制袁顓懼曰賊入人肝脾裏何由得

活胡陰謀遁去已卯誑顓云欲更帥步騎二萬

誑居况翻帥讀

曰率騎奇寄翻

上取錢溪蕪下大雷餘運令顓悉選馬配之其

日胡委顓去徑趣梅根先令薛常寶辦船悉發南陵諸
軍燒大雷諸城而走至夜顓方知之大怒罵曰今年爲
小子所誤呼取常所乘善馬飛驚謂其衆曰我當自追

之因亦走庚辰建安王休仁勒兵入顓營納降卒十萬

遣沈攸之等追顓顓走至鵲頭與戍主薛伯珍并所領

數千人偕去欲向尋陽夜止山間殺馬以勞將士

勞力到翻

將即亮翻

顧謂伯珍曰我非不能死且欲一至尋陽謝罪主

上然後自刎耳因慷慨叱左右索節無復應者及旦伯

珍請屏人言事

刎扶粉翻索山客翻復扶又翻屏必郢翻

遂斬顓首

南史顓走至青

林山見殺詣錢溪軍主襄陽俞湛之湛之因斬伯珍并送首

以爲已功劉胡帥二萬人向尋陽詐晉安王子勛云袁

顗已降軍皆散唯已帥所領獨返宜速處分爲一戰之

資

帥讀曰率處昌呂翻分扶問翻

當停據湓城誓死不貳乃於江外夜

趣沔口

江中洲嶼節節有之舟行附南岸者謂之內路附北岸者謂之外路

鄧琬聞胡去

憂惶無計呼中書舍人褚靈嗣等謀之並不知所出張

悅詐稱疾呼琬計事令左右伏甲帳後戒之若聞索酒

便出

索山客翻

琬既至悅曰卿首倡此謀今事已急計將安

出琬曰正當斬晉安王封府庫以謝罪耳悅曰今日寧

丁賣殿下求活邪因呼酒子洵提刀出斬琬

洵悅子也

中書

舍人潘欣之聞琬死勒兵而至悅使人語之曰

語牛倨翻鄧

琬謀反今已梟戮

梟堅堯翻

欣之乃還取琬子並殺之悅因

單舸齎琬首馳下詣建安王休仁降

舸古我翻降戶江翻

尋陽亂

無主故亂

蔡那之子道淵在尋陽被繫作部

作部主作器仗在尋陽城外

脫鎖入城執子勛囚之沈攸之諸軍至尋陽斬晉安王

子勛傳首建康時年十一

晉安舉兵實義舉也鄧琬不足道若袁顗孔顗豈可謂不

得其死哉世無以成敗論之

初鄧琬遣臨川內史張淹自鄱陽嶠道

入三吳軍於上饒

晉太康地志鄱陽郡有上饒縣而晉書無之當是吳立今爲信州有路通

鄱陽宋白曰信州上饒縣本秦番縣界漢爲番陽縣今州古城遺蹟開皇中所廢古上饒也所謂上饒者以其旁下饒州之故也九域志番陽東南至上饒五百四十里

聞劉胡敗軍副鄱陽太守

費曄斬淹以降淹暢之子也

張暢元嘉之季從世祖爲徐州長史費父涕翻

廢

帝之世衣冠懼禍咸欲遠出至是流離外難

難乃旦翻

百不

一存衆乃服蔡興宗之先見

先見事見上卷元年

九月壬辰以山

陽王休祐爲荊州刺史癸巳解嚴大赦庚子司徒休仁

至尋陽遣吳喜張興世向荊州沈懷明向郢州劉亮及

寧朔將軍南陽張敬兒向雍州

雍於用翻

孫超之向湘州沈

思仁任農夫向豫章平定餘寇劉胡逃至石城

此竟陵之石城

今郢州長壽縣是也

捕得斬之郢州行事張沈變形爲沙門潛走

追獲殺之

沈持林翻

荊州行事劉道憲聞濃湖平散兵遣使

歸罪

使疏吏翻

荊州治中宗景等勒兵入城殺道憲執臨海

王子頊以降孔道存知尋陽已平遣使請降尋聞柳世

隆劉亮當至道存及三子皆自殺

孔道存時爲雍州行事

上以何

慧文才兼將吏

有將才又有吏才也將即亮翻

使吳喜宣旨赦之慧文

曰既陷逆節手害忠義

謂殺王應之也

何面見天下之士遂自

殺史言何慧文不肯苟活安陸王子綏臨海王子頊邵陵王子元

並賜死劉順及餘黨在荊州者皆伏誅

劉順自死虎奔淮西又自淮西

奔荊州詔追贈諸死節之臣及封賞有功者各有差已

西魏初立郡學置博士助教生員從中書令高允相州

刺史李訢之請也

古者家有塾黨有庠術有序國有學秦雖焚書坑儒齊魯學者未嘗廢業

漢文翁守蜀起立學官學者比齊魯武帝令天下郡國皆立學校官則學官之立尚矣此書魏初立郡學置官

及生員者蓋悲五胡兵爭不服立學魏起北荒數世之後始及此既悲之猶幸斯文之墜地而復振也相息亮

翻訢許訢崇之子也

此別一李崇非頊丘之李崇也

上既誅晉安王

子勛等待世祖諸子猶如平日司徒休仁還自尋陽言

於上曰松滋侯兄弟尚在將來非社稷計宜早爲之所

冬十月乙卯松滋侯子房永嘉王子仁始安王子真淮

南王子孟南平王子產廬陵王子輿子趨子期東平王

子嗣子悅並賜死及鎮北諮議參軍路休之司徒從事

中郎路茂之

二路皆昭太后子姪

兗州刺史劉祗中書舍人嚴龍

皆坐誅世祖二十八子於此盡矣

休仁尚書下省之禍自取之也導上使去

其兄子上手滑矣其視諸弟何有哉蕭齊易姓劉氏

祗

義欣之子也 劉劭圍壽陽垣閤攻合肥俱未下劭患

之召諸將會議馬隊主王廣之曰得將軍所乘馬判能

平合肥判斷也決也 幢主皇甫肅怒曰廣之敢奪節下馬可

斬劭笑曰觀其意必能立功即推鞬下馬與之幢傳江翻推吐

雷翻 廣之往攻合肥三日克之薛道標突圍奔淮西歸常

珍奇劭擢廣之爲軍主廣之謂肅曰節下若從卿言何

以平賊卿不賞才乃至於此肅有學術及劭卒卒子更

依廣之廣之薦於齊世祖爲東海太守史竟其事以言王廣之能以思

易怒

沈靈寶自廬江引兵攻晉熙

晉安帝分廬江立晉熙郡今舒州即其地

也晉熙先附尋陽故攻之

晉熙太守閻湛之棄城走

徐州刺史薛

安都益州刺史蕭惠開梁州刺史柳元怙

考異曰宋畧作元哲今

從宋書兖州刺史畢衆敬

考異曰宋畧作畢榛後魏書云小名榛今從本傳

豫章

太守殷孚汝南太守常珍奇並遣使乞降

尋陽已平故並乞降使疏

吏翻降戶江翻

上以南方已平欲示威淮北乙亥命鎮軍將軍

張永中領軍沈攸之將甲士五萬迎薛安都

將甲即亮翻考異

曰後魏紀安都與常珍奇降皆在九月而宋本紀宋畧遣張永等北出皆在十月今從之

蔡興宗曰

安都歸順此誠非虛正須單使尺書

使疏吏翻

今以重兵迎

之勢必疑懼或能招引北虜爲患方深若以叛臣罪重

不可不誅則鄰之所宥亦已多矣况安都外據大鎮密

邇邊陸地險兵彊攻圍難克考之國計尤宜馴養

馴松倫翻

如其外叛將爲朝廷肝食之憂上不從

爲上愧蔡興宗張本肝苦汗翻

謂征北司馬行南徐州事蕭道成曰吾今因此北討卿

意以爲何如對曰安都狡猾有餘今以兵逼之恐非國

之利上曰諸軍猛銳何往不克卿勿多言

蔡興宗蕭道成人地雖殊

所見不異蓋識時遠變唯智者能之文武無二道也

安都聞大兵北上

地勢西北高東南下

濟泗沂之水皆南流逕彭城而注于淮故謂南兵北向爲北上上時掌

懼遣使乞降於魏

常珍奇亦以懸瓠降魏

考異曰宋畧十二月甲寅珍奇復以郡叛蓋於時宋朝始聞

之皆請兵自救

戊寅立王子昱爲太子

薛安都以

其子爲質於魏

質音致

魏遣鎮東大將軍代人尉元鎮東

將軍魏郡孔伯恭等帥騎一萬出東道救彭城鎮西大

將軍西河公石都督荊豫南雍州諸軍事張窮奇出西

道救懸瓠

尉紆勿翻帥讀曰率騎奇寄翻雍於用翻魏無南雍州下又書安都都督徐雍五州諸軍

事益一時創置尋省併以安都爲都督徐雍等五州諸也西河公石魏之宗室

軍事鎮南大將軍徐州刺史河東公常珍奇爲平南將軍豫州刺史河內公兗州刺史申纂詐降於魏尉元受之而陰爲之備魏師至無鹽纂閉門拒守

爲魏攻殺申纂張本

薛

安都之召魏兵也畢衆敬不與之同遣使來請降

是年春畢

衆敬叛建康從薛安都及安都降魏乃不與之同耳上以衆敬爲兗州刺史衆敬

子元賓在建康先坐它罪誅

考異曰後魏書衆敬傳云元賓有它罪或獨不捨

之宋畧云緣與安衆敬聞之怒拔刀斫柱曰吾皓首唯都已誅矣今從之

一子不能全安用獨生十一月壬子魏師至瑕丘衆敬

請降於魏尉元遣部將先據其城

將即亮翻

衆敬悔恨數日

不食元長驅而進十二月己未軍于柁

柁縣漢屬濟陰郡後漢省其地

當在唐曹州界

孟康曰柁音妬

西河公石至上蔡常珍奇帥文武出迎

石欲頓軍汝北未即入城

懸瓠城在汝水南

中書博士鄭羲曰

今珍奇雖來意未可量

量音良

不如直入其城奪其管籥

管籥也籥國壯也

據有府庫制其腹心策之全者也石遂策馬

入城因置酒嬉戲羲曰觀珍奇之色甚不平不可不爲

之備乃嚴兵設備其夕珍奇使人燒府屋欲爲變以石

有備而止義豁之曾孫也淮西七郡民多不願屬魏連

營南奔

淮西七郡汝南新蔡汝陽汝陰陳郡南頓潁川

魏遣建安王陸馥宣慰

新附民有陷軍爲奴婢者馥悉免之

馥蒲撥翻

新民乃悅

乙丑詔坐依附尋陽削官爵禁錮者皆從原籍隨才銓

用 劉劬圍壽陽自首春至于末冬內攻外禦戰無不

捷以寬厚得將士心

將即亮翻

尋陽既平上使中書爲詔諭

殷琰蔡興宗曰天下既定是琰思過之日陛下宜賜手

詔數行以相慰引

慰者安其心引者引使歸順行戶則翻

今直中書爲詔

彼必疑謂非真非所以速清方難也

難乃且翻方難謂一方之難

不

從琰得詔謂劉劭詐爲之不敢降

降戶江翻下同

杜叔寶閉絕

尋陽敗問有傳者即殺之守備益固凡有降者上輒送

壽陽城下使與城中人語由是衆情離沮

沮在呂翻

琰欲請

降於魏主簿譙郡夏侯詳說琰曰

說輪芮翻下同

今日之舉本

効忠節若社稷有奉便當歸身朝廷何可北面臣魏乎

且今魏軍近在淮次

謂西河公石在汝南之軍也

官軍未測吾之去

就若建使歸欵

建使當作遣使欵
誠也使疏吏翻

必厚相慰納豈止免

罪而已琰乃使詳出見劉劭詳說劭曰今城中士民知

困而猶固守者畏將軍之誅皆欲自歸於魏願將軍緩

而赦之則莫不相帥而至矣

帥讀曰
率下同

劭許諾使詳至城

下呼城中人諭以勸意丙寅琰帥將佐面縛出降劭悉

加慰撫不戮一人入城約勒將士

將即
亮翻

士民貲財秋毫

無所失壽陽人大悅魏兵至師水

水經注師水源出大
潰山又北還賢首山

西又東還義陽故城北南北對境圖
濟河在今信陽軍羅山縣西北界

將救壽陽聞琰已

降乃掠義陽數千人而去久之琰復仕至少府而卒

復扶

又翻卒
子恤翻

蕭惠開在益州多任刑誅蜀人猜怨聞費欣

壽敗沒

費扶
沸翻

程法度不得前

事並見
上六月

於是晉原一郡反

沈約曰李雄分蜀郡之江原臨邛爲
漢原郡晉穆帝更名晉原唐爲蜀州

諸郡皆應之合兵

圍成都城中東兵不滿二千惠開悉遣蜀人出獨與東

兵拒守

東兵惠開隨
行部曲也

蜀人聞尋陽已平爭欲屠城衆至

十餘萬人惠開每遣兵出戰未嘗不捷上遣其弟惠基
自陸道使成都赦惠開罪惠基至涪蜀人過留惠基不

聽進惠基帥部曲擊之斬其渠帥

使疏吏翻洛音浮基帥讀曰率渠帥所類

翻

然後得前惠開奉旨歸降城圍得解上遣惠開宗人

寶首自水道慰勞益州寶首欲以平蜀爲己功更獎說

蜀人使攻惠開

勞力到翻獎勸也說式芮翻誘也

於是處處蜂起凡諸

離散者一時還合與寶首進逼成都衆號二十萬惠開

欲擊之將佐皆曰今慰勞使至而拒之

使疏吏翻下同

何以自

明惠開曰今表啟路絕不戰則何以得通使京師乃遣

宋寧太守蕭惠訓等將萬兵與戰大破之生擒寶首囚

於成都

沈約曰文帝元嘉十年免吳營僑立宋寧郡寄治成都將即亮翻下同

遣使言狀

上使執送寶首召惠開還建康上問以舉兵狀惠開曰

臣唯知逆順不識天命且非臣不亂非臣不平上釋之

是歲僑立兗州治淮陰徐州治鍾離青冀二州共一

刺史治鬱州

兗徐青冀皆降於魏故立僑州

鬱州在海中周數百里累

石爲城高八九尺

高居傲翻

虛置郡縣荒民無幾

幾居豈翻

張

永沈攸之進兵逼彭城軍于下磻

磻丘益翻

分遣羽林監王

穆之將卒五千守輜重於武原

水經注武原縣在下邳縣西北按武原縣自漢

以來屬彭城郡宋志南彭城郡有武原縣而徐州之彭城無之蓋自晉氏永嘉之亂其民南徙而故縣丘墟也杜佑曰泗州下邳縣北有漢武原縣故城重直用翻

元遣李璨與安都先入城收其管籥別遣孔伯恭以精

甲二千安撫內外然後入

受降如受敵尉元得之

其夜張永攻南

門不克而退元不禮於薛安都安都悔降復謀叛魏

降戶

江翻復扶又翻

元和之不果發

和之者諧輯之也或曰和之當作知之

安都重賂

元等委罪於女婿裴祖隆而殺之元使李珠與安都守

彭城自將兵擊張永絕其糧道又破王穆之於武原穆

之帥餘衆就永元進攻之

帥讀
曰率



資治通鑑卷一百三十一

總校官庶吉士
臣侍朝
校對官檢討
臣王坦修
謄錄監生
臣潘承煒

總校官庶吉士臣侍朝

校對官檢討臣王坦修

謄錄監生臣潘承煒

欽定四庫全書薈要

史部

資治通鑑卷一百三十三

詳校官編修臣汪鏞



資治通鑑卷一百三十二 宋 司馬光 撰

胡三省 音註

太宗明皇帝中

宋紀十四

起強圉協洽盡上章閏茂凡四年

秦始三年春正月張永等棄城夜遁

考異曰宋本紀去年冬永攸之大

敗遂失淮北四州及豫州淮西地宋畧今年正月永攸之師次彭城虜掩其輜重敗王穆之於武原薛安都聞彭城以納虜永等引退虜追之王師敗績畢捺亦舉兗州歸虜遂失淮北之地魏帝紀去年九月常珍奇薛安

都內屬張永沈攸之擊安都詔尉元救彭城西河公石
救懸瓠十一月畢衆敬內屬十二月巳未次于秣周凱
張永沈攸之相繼退走今年正月癸巳尉元破永攸之
於呂梁東閏月沈文秀崔道固舉州內屬按青冀今歲
始叛宋去年宣得巳失淮北安都為永攸之所逼故降
魏宣得今年永攸之始次彭城安都始納魏兵乎蓋去
年穆之等已敗退今春永會天大雪泗水冰合永等棄
大敗耳今從後魏帝紀

船步走士卒凍死者大半手足斷者什七八尉元邀其

前薛安都乘其後大破永等於呂梁之東

水經注泗水自彭城東南

遇呂縣南泗水之上有石死者以萬數枕尸六十餘里

梁馬故曰呂梁尉紆勿翻

死者以萬數枕尸六十餘里

枕職任翻

委棄軍資器械不可勝計

勝音

永足指亦墮與沈

攸之僅以身免梁南秦二州刺史垣恭祖等為魏所虜
上聞之召蔡興宗以敗書示之曰我愧卿甚永降號左
將軍攸之免官以貞陽公領職還屯淮陰

漢志桂陽郡有洧陽縣沈

約志宋泰始三年改洧為貞屬廣興公相由是失淮北四州及豫州淮西之

地淮北四州青冀徐兗豫州淮西汝南新蔡譙梁陳南頓潁州汝南汝陰諸郡也考異曰後魏帝紀閏月

沈文秀崔道固舉州內屬宋索虜傳曰永攸之賊退虜
攻青冀二州執文秀道固又下書曰淮北三州民自天

安二年正月三十日壬寅昧爽已前罪一切原免按青
州破在五年淮北三州蓋謂徐司豫壬寅二十日壬子

三十日也

裴子野論曰昔齊桓矜於葵丘而九國叛

公羊傳曰賈澤之會

齊桓公有憂中國之心不召而至者江人黃人也葵丘之會桓公震而矜之叛者九國

曹公不

禮張松而天下分

見六十五卷漢獻帝建安十三年

一失豪釐其差

遠矣太宗之初威令所被不滿百里

被皮義翻

卒有離心

士無固色而能開誠心布款實莫不感恩服德致命

效死故西摧北蕩宇內褰開既而六軍獻捷方隅東

手天子欲賈其餘威

賈音古

師出無名長淮以北倏忽

為戎惜乎若以嚮之虛懷不驕不伐則三叛奚為而

起哉

三叛薛安都畢
衆救常珍奇也

高祖蟻虱生介冑

蟻居純蠶子也
五色蟬

翻

經啓疆場

場音

後之子孫日威百里

大雅召吳之
詩曰昔先王

受命有如召公日辟國
百里今也日威國百里

播穫堂構豈云易哉

書大誥
日若考

作室既底法厥子乃弗肯堂矧肯構厥
父萬厥子乃弗肯播矧肯穫易以政翻

魏尉元以彭城兵荒之後公私困竭請發冀相濟充四

州粟

相息亮翻
濟子禮翻

取張永所棄船九百艘沿清運載以賑

新民

新民謂新取徐州之民謂沿清水
而運載也艘蘇遭翻賑津忍翻

魏朝從之

朝直
連翻

魏東平王道符反於長安殺副將駙馬都尉萬古真

等副將副鎮將也

丙午司空和其奴等將殿中兵討之

丁未道符司馬段太陽攻道符斬之以安西將軍陸真

為長安鎮將以撫之道符翰之子也

秦王翰死於正平宗愛之禍

閏月魏以頓丘王李峻為太宰 沈文秀崔道固為土

人所攻

土人謂青冀二州之人

遣使乞降於魏

使疏吏翻降戶江翻下同

且請

兵自救 二月魏西河公石自懸瓠引兵攻汝陰太守

張超不克

此汝陰郡蓋猶治汝陰也當在隋蔡州新蔡縣界守式又翻

考異曰宋帝紀云索虜寇

汝陰太守張景遠擊破之景遠即超也宋畧七月張景遠先卒汝陰城又陷亦誤也今從後魏書

退屯

陳項

陳項本二邑時陳郡治項因曰陳項

議還長社待秋擊之鄭義

曰張超蛾聚窮命糧食已盡不降當走可翹足而待也

今棄之遠去超修城浚隍積薪儲穀更來恐難圖矣石

不從遂還長社

為石再攻汝陰不克張本

初尋陽既平帝遣沈文

秀弟文炳以詔書諭文秀又遣輔國將軍劉懷珍將馬

步三千人與文炳偕行未至值張永等敗退懷珍還鎮

山陽文秀攻青州刺史明僧嵩

僧嵩起兵見上卷上年嵩古老翻

帝使

懷珍帥龍驤將軍王廣之將五百騎步卒二千人浮海

救之

仲讀曰率驤思將翻
將即亮翻騎奇寄翻

至東海僧曷已退保東萊懷

珍遂據朐城衆心克懼欲且保郁州

亮許拱翻亮恐懼
聲朐城漢東海之

朐縣城也水經注曰朐山西側有朐縣故
城東北海中有大洲故謂之郁洲朐音勑

懷珍曰文秀

欲以青州歸索虜

索昔各翻

計齊之士民安肯甘心左衽邪

今揚兵直前宣布威德諸城可飛書而下奈何守此不

進自為沮撓乎

沮在呂翻撓
奴教翻屈也

遂進至黔陬

黔陬縣前漢
屬琅邪郡後

漢屬東萊郡晉屬城陽郡宋屬高密郡陬子侯翻隋志
膠州膠西縣舊曰黔陬杜佑曰漢黔陬縣故城在密州

諸城縣
東北

文秀所署高密平昌二郡太守棄城走

高密漢
郡平昌

郡魏文帝分城陽立宋志高密郡領黔陬淳于高密夷
安營陵昌安平昌郡領安丘平昌東武琅邪朱虛五代
志黔陬縣舊
置平昌郡 懷珍送致文炳達朝廷意文秀猶不降

江翻 百姓聞懷珍至皆喜文秀所署長廣太守劉桃根
下同

將數千人戍不其城

不其縣前漢屬琅邪郡後漢屬東萊郡晉分屬長廣郡唐萊州膠水

縣即長廣郡地章懷太子賢曰不其故城在今萊州即墨縣西南其音基

懷珍軍於洋水

水經

巨洋水出朱虛縣東泰山北過縣西北過臨朐縣東又北過劇縣西又東北過壽光縣西又東北入于海師古

曰洋音祥

衆謂且宜堅壁伺隙懷珍曰今衆少糧竭

少詩沼翻

懸

軍深入正當以精兵速進掩其不備耳乃遣王廣之將

百騎襲不其城拔之文秀聞諸城皆敗乃遣使請降使疏

吏帝復以為青州刺史崔道固亦請降復以為冀州刺

史懷珍引還

懷珍既還兵勢不接故青冀二州尋為魏有復扶又翻

魏濟陰王小

新成卒

濟子禮翻

沈攸之之自彭城還也留長水校尉王

玄載守下邳

校戶教翻

積射將軍沈韶守宿豫睢陵淮陽皆

留兵戍之玄載玄謨之從弟也

王玄謨以功名著于太祖世祖二朝從才用翻

時東平太守申纂守無鹽幽州刺史劉休賓守梁鄒

梁鄒

縣漢屬濟南郡

并州刺史清河房崇吉守升城

魏收志東太原郡太原縣治升

城其地在唐濟州長清縣界

輔國將軍清河張謹守圍城

水經注琅邪郡東莞

縣春秋之郛邑今有郛亭在圍城東北四十里

及兗州刺史王整蘭陵太守桓

忻沈約志蘭陵太守治昌慮漢舊縣也

肥城廢溝垣苗等戍皆不附於魏

肥城縣前漢屬泰山郡後漢屬濟北郡晉罷宋復置濟北郡于肥城魏收志廢溝垣苗二城亦在東太原郡太

原縣界又據水經注濟水自平陰城西東北流逕垣苗城西東武帝西征長安令垣苗鎮此故俗以為稱濟水

又東北過盧縣北賢曰肥城縣故城在今濟州平陰縣東南則此三戍皆在漢太山郡盧縣及肥城縣界至後

漢和帝永安二年始分太山為濟北郡

休賓乘民之兄子也

劉乘民見上卷上年

魏

遣平東將軍長孫陵等將兵赴青州

長知兩翻

征南大將軍

慕容白曜將騎五萬為之繼援白曜燕太祖之玄孫也

燕王號廟號太祖

白曜至無鹽欲攻之將佐皆以為攻具未備

不宜遽進左司馬范陽郡範曰今輕軍遠襲深入敵境

豈宜淹緩且申纂必謂我軍來速不暇攻圍將不為備

師速而疾者畧也畧謂畧地也無暇于攻城
圓邑白曜以此形申纂故料其不為備也

今若出其

不意可一鼓而克白曜曰司馬策是也乃引兵偽退申

纂不復設備白曜夜中部分

復扶又翻分扶問翻

三月甲寅旦攻

城食時克之纂走追擒殺之

考異曰宋畧云七月纂戰死蓋贈官之月今從魏

帝紀白曜欲盡以無鹽人為軍賞酈範曰齊形勝之地宜

遠為經畧今王師始入其境人心未洽連城相望咸有

拒守之志苟非以德信懷之未易平也易以鼓翻白曜曰善

皆免之白曜將攻肥城酈範曰肥城雖小攻之不易勝

之不能並軍勢不勝足以挫軍威彼見無鹽之破死傷

塗地不敢不懼若飛書告諭縱使不降亦當逃散此即李左

車教韓信以破趙之勢而喻白曜從之肥城果潰獲粟

燕故智也降戶江翻下同

三十萬斛白曜謂範曰此行得卿三齊不足定也遂取

垣苗糜溝二戍一旬中連拔四城威震齊土

史言慕容白曜能用

鄒範之計以取勝

丙子以尚書左僕射蔡興宗為郢州刺史

房崇吉守升城勝兵者不過七百人

勝者升任也勝兵者謂能操五

兵而戰也

慕容白曜築長圍以攻之自二月至于夏四月乃

克之白曜忿其不降欲盡阬城中人參軍事昌黎韓麒麟

諫曰今勦敵在前而阬其民

勦渠京翻

自此以東諸城人

自為守不可克也師老糧盡外寇乘之此危道也白曜

乃慰撫其民各使復業崇吉脫身走崇吉母傅氏申纂

妻賈氏與濟州刺史盧度世有中表親然已疎遠

濟子禮翻

及為魏所虜度世奉事甚恭贍給優厚

親者母失其為親故者母失其

為故其虛度

度世閨門之內和而有禮雖世有屯夷

屯夷

世之謂乎

倫翻多難也

家有貧富百口怡怡豐儉同之

史古盧度世有行

夷平易也

崔道固閉門拒魏沈文秀遣使迎降於魏請兵援接白

曜欲遣兵赴之鄭範曰文秀室家墳墓皆在江南

沈文秀吳

興武康人擁兵數萬城固甲堅彊則拒戰屈則遁去我師未

逼其城無朝夕之急何所畏忌而遽求援軍且觀其使

者視下而色愧語煩而志怯此必挾詐以誘我不可從

也

春秋之時諸侯交兵謀人之軍師者多能以此規敵鄭範亦祖其故智耳誘音酉

不若先取

歷城克般陽

般陽縣漢屬濟南郡應邵曰有般水之陽師古曰般音盤劉煦曰唐淄州淄川縣漢

盤陽縣也

下梁鄒平樂陵

晉武帝分平原立樂陵郡宋文帝置樂陵郡於故千乘地皆在隋唐

青州

然後案兵徐進不患其不服也白曜曰崔道固等

兵力單弱不敢出戰吾通行無礙直抵東陽彼自知必亡故望風求服夫又何疑範曰歷城兵多糧足非朝夕可拔文秀坐據東陽為諸城根本今多遣兵則無以攻

歷城少遣兵則不足以制東陽

少詩
治翻

若進為文秀所拒

退為諸城所邀腹背受敵必無全理願更審計無墮賊

穀中

穀古侯翻張子厚曰穀指拇也穀弓既持滿以指
拇為度而發矢以志於中墮穀中者言敵穀弓指

我而我不知避則夫
必集于我而受其害

白曜乃止文秀果不降魏尉元上

表稱彭城賊之要藩不有重兵積粟則不可固守若資

儲既廣雖劉彧師徒悉起不敢窺淮北之地

或於
六翻

又言

若賊向彭城必由清泗過宿豫歷下邳趨青州亦由下

邳沂水經東安

東安縣前漢屬城陽國後漢屬琅瑯郡
晉屬東莞郡惠帝元康七年分東莞置

東安郡唐沂州沂水縣
即東安郡地趙七喻翻

此數者皆為賊用師之要今若

先定下邳平宿豫鎮淮陽戍東安則青冀諸鎮可不攻

而克若四城不服青冀雖拔百姓狼顧猶懷僥倖之心

僥倖
亮翻

臣愚以為宜釋青冀之師先定東南之地斷劉或

北顧之意

斷丁
管翻

絕愚民南望之心夏水雖盛無津途可

由冬路雖通無高城可固如此則淮北自舉暫勞永逸

兵貴神速久則生變若天雨既降彼或因水通運糧並

衆規為進取恐近淮之民翻然改圖青冀二州猝未可

拔也

考異曰尉元傳先上表請取四城利害後乃云沈攸之欲捷下邳遣孔道恭擊破之按元以秦始

二年九月受詔救薛安都此表云受命出疆再離寒暑又云今雖向熱猶可行師則似上表時在四年春末夏初也又按沈攸之以三年八月出師尋即敗退則上表當在攸之敗後今此表但言陳顯達徇宿豫不言攸之救下邳又慕容白曜以四年二月十七日拔歷城而此表欲釋青冀之師先定東南之地則此表不在其年春末夏初決矣蓋再當作截是語助之辭非謂兩經寒暑也故置於此

五月壬戌以太子

啓事素餐為尚書右僕射 沈攸之自送運米至下邳

沈攸之自淮陰至下邳

魏人遣清泗間人詐攸之云薛安都欲降

降戶求軍迎接軍副吳喜請遣千人赴之攸之不許既

而來者益多喜固請不已攸之乃集來者告之曰君諸人既有誠心若能與薛徐州子弟俱來者皆即假君以本鄉縣唯意所欲如其不爾無為空勞往還自是一去不返

以攸之知其情也

攸之使軍主彭城陳顯達將千人助戍

下邳而還

將即亮翻下同還從宣翻又如字

薛安都子令伯亡命梁雍

之間

雍於用翻

聚黨數千人攻陷郡縣秋七月雍州刺史巴

陵王休若遣南陽太守張敬兒等擊斬之上復遣中

領軍沈攸之等擊彭城攸之以為清泗方涸糧運不繼

固執以為不可使者七返上怒強遣之

復扶又翻強其兩翻考異曰

宋沈攸之傳宋畧皆云帝怒攸之云卿若不行便可使吳喜獨去按喜傳乃無與攸之討彭城事後魏書作吳喜公不知即吳喜為別一人也按八月壬寅以攸之行

南兖州刺史將兵北出使行徐州事蕭道成將千人鎮

淮陰

去年僞立徐州於鍾離今使蕭道成屯淮陰為沈攸之後鎮

道成收養豪傑賓

客始盛

為後蕭道成取宋張本

魏之入彭城也

事見上垣崇祖將

部曲奔朐山據之

魏收曰朐縣漢屬東海晉曰臨朐屬琅邪郡有朐山臨海瀕今按晉志臨

朐屬東莞郡後魏復曰朐屬琅邪郡朐音効

遣使來降蕭道成以為朐山戍

主胸山瀕海孤絕人情未安崇祖浮舟水側欲有急則

逃入海魏東徐州刺史成固公戍圜城

魏收地形志魏置南青州於圜

城圜城當在唐沂州沂水縣界圜戶因翻

崇祖部將有罪亡降魏成固公遣

步騎二萬襲胸山

將即亮翻降戶江翻騎奇寄翻下同

去城二十里崇祖

方出送客城中人驚懼皆下船欲去崇祖還謂腹心曰

虜非有宿謀承叛者之言而來耳易誑也

易以鼓翻誑居况翻

今

得百餘人還事必濟矣但人情一駭不可斂集卿等可

亟去此一里外大呼而來云艾塘義人已得破虜

呼火故翻

艾塘當在唐海州懷仁縣界北齊於此置義塘郡宋人謂淮北起兵拒魏者為義人須成軍速往

相助逐之舟中人果喜爭上岸

上時掌翻

宗祖引入據城遣

羸弱入島

島海中山也羸倫為翻

人持兩炬火登山鼓譟魏參騎

以為軍備甚盛乃退

參騎侯騎也

上以宗祖為北琅邪蘭陵

二郡太守垣榮祖亦自彭城奔朐山以奉使不效

奉使說薛

安都見上卷上年

畏罪不敢出往依蕭道成于淮陰榮祖少學

騎射或謂之曰武事可畏

謂矢石交乎前生死在於須臾也少詩照翻

何不

學書榮祖曰昔曹公父子上馬橫槊下馬談詠

謂魏王操及文

帝兄弟也上時掌翻梨色角翻此於天下可不負飲食美君輩無自全

之伎伎渠綺翻能也藝也何異犬羊乎此犬羊直謂其無防身之術耳劉善明從

弟僧副將部曲二千人避魏居海島道成亦召而撫之

從才用翻魏於天宮寺作大像高四十三尺高居用翻銅十

萬斤黃金六百斤魏尉元遣孔伯恭帥步騎一萬拒

沈攸之帥讀曰率騎寄翻又以攸之前敗所喪士卒瘞墮膝行

者悉還攸之以沮其氣喪息浪翻瘞陟玉翻寒瘡也沮在呂翻上尋悔遣

攸之等復召使還復扶又翻攸之至焦墟去下邳五十餘里

陳顯達引兵迎攸之至睢清口

清水合於泗水故泗水亦得清水之名水經注

泗水過下邳縣西又東南得睢水口泗水又東南入于淮水故謂之睢清口睢音雖伯恭擊破之

攸之引兵退伯恭追擊之攸之大敗龍驤將軍姜彥之

等戰沒攸之創重

驤思將翻創初良翻

入保顯達營丁酉夜衆潰

攸之輕騎南走委棄軍資器械以萬計還屯淮陰尉元

以書諭徐州刺史王玄載玄載棄下邳走

沈攸之留王玄載戍下邳

因領徐州刺史魏以隴西辛紹先為下邳太守

守式又翻

紹先不尚

苛察務舉大綱教民治生禦寇而已由是下邳安之

治直

之孔伯恭進攻宿豫宿豫戍將魯僧遵亦棄城走魏將

孔大恒等將千騎南攻淮陽淮陽太守崔武仲焚城走

尉元取下邳等城不愆于素使沈攸之不敗于再舉元

亦未敢輕動也淮陽太守治角城角城在唐泗州宿遷

縣界宿遷即宿豫唐避諱改焉慕容白曜進屯瑕丘崔道固之未降也

降戶江綏邊將軍房法壽為王玄邈司馬屢破道固軍

歷城人畏之崔道固鎮歷城其軍皆歷城人及道固降皆罷兵道固畏

法壽扇動百姓迫遣法壽使還建康會從弟崇吉自升

城來從才用翻以母妻為魏所獲謀於法壽法壽雅不欲南

行雅素也怨道固迫之時道固遣兼治中房靈賓督清河

廣川二郡事成磐陽法壽乃與崇吉謀襲磐陽據之降

於慕容白曜以贖崇吉母妻道固遣兵攻之白曜自瑕

丘遣將軍長孫觀救磐陽

磐陽即盤陽

道固兵退白曜表冠

軍將軍韓麒麟與法壽對為冀州刺史

冠古玩翻

以法壽從

弟靈民思順靈悅伯憐伯玉叔玉思安幼安等八人皆

為郡守

北冀州即宋所置冀州以命法壽郡守即守冀州所領廣川平原清河樂陵魏郡河間頓丘高

陽勃海皆僑郡也

白曜自瑕丘引兵攻崔道固於歷城遣平東

將軍長孫陵等攻沈文秀於東陽道固拒守不降白曜
築長圍守之陵等至東陽文秀請降陵等入其西郭縱
士卒暴掠文秀悔怒閉城拒守擊陵等破之

考異曰
文秀傳云

八月虜蜀郡公拔式入陵等退屯清西屢進攻城不克
西郭今從慕容白曜傳

癸卯大赦 戊申魏主李夫人生子宏夫人惠之女

也 李惠蓋李貴人兄弟貴人魏主之母賜死見一百二
十八卷宋孝建三年夫人則惠之女而宏之母也宏

是為魏 馮太后自撫養宏頃之還政於魏主魏主始視
孝文帝

國事勤於為治 治直 賞罰嚴明拔清節黜貪汙於是魏

吏翻

之牧守始有以廉潔著聞者 大中大夫徐爰自太祖

時用事

徐爰事始一百二十六年 卷文帝元嘉二十八年

素不禮於上上銜之詔

數其姦佞之罪

數所具翻

徙交州

冬十月辛巳詔徙義陽

王昶為晉熙王

昶丑兩翻考異曰宋帝紀在十一月今從宋畧

使員外郎李豐

以金千兩贖昶於魏

昶奔魏見一百三十卷元年

魏人弗許使昶與

上書為兄弟之儀上責其不稱臣不答魏主復使昶與

上書

復扶又翻下復攻復以同

昶辭曰臣本實戍兄

昶文帝第九子帝文帝第十一

子未經為臣若改前書事為二敬

既稱臣於魏復稱臣於宋是為二敬也

苟或不改彼所不納臣不敢奉詔乃止魏人愛重昶凡

三尚公主十一月乙卯分徐州置東徐州以輔國將

軍張謐為刺史

張謐時守圉城就置東徐州以刺史命之謐音黨

十二月庚戌

以幽州刺史劉休賓為兖州刺史

時兖州之境已沒於魏劉休賓等守梁鄒

以刺史命之

休賓之妻崔邪利之女也生子文暉與邪利皆

沒於魏

邪利沒於魏見一百二十五卷文帝元嘉二十七年

慕容白曜見其妻子

至梁鄒城下示之休賓密遣主簿尹文達至歷城見白

曜且視其妻子休賓欲降而兄子聞慰不可白曜使人

至城下呼曰劉休賓數遣人來見僕射約降

呼火故翻數所角翻降戶

江何故違期不至由是城中皆知之共禁制休賓不得

降魏兵圍之

魏西河公石復攻汝陰

今年春石攻汝陰不克

汝

陰有備無功而還

還從宣翻又如字

常珍奇雖降於魏竇懷貳

心劉勔復以書招之會西河公石攻汝陰珍奇乘虛燒

却懸瓠驅掠上蔡安城平輿三縣民屯於灌水

水經注灌水導

源廬江金蘭縣西北東陵鄉大蘇山東北逕茅縣故城西而北注決水許慎曰灌水出零婁縣與音預

四年春正月己未上祀南郊大赦

魏汝陽司馬趙懷

仁帥衆寇武津

汝陽司馬汝陽郡司馬也沈約曰武津縣屬汝陽郡何志不注置立在隋唐上

蔡縣界中

豫州刺史劉劬遣龍驤將軍申元德擊破之

請曰率

又斬魏干都公闕于拔於汝陽臺東

魏收地形志汝陽郡汝陽縣有章華

臺此書汝陽臺者蓋以別南郡之章華臺也

獲運車千三百乘

乘繩證翻

魏復寇

義陽

復扶又翻

勔使司徒參軍孫臺瑾擊破之

臺瑾當作臺瑾

淮西

民賈元友上書陳伐魏取陳蔡之策

宋豫州淮西之地春秋陳蔡之地也

上以其書示劉劬劬上言元友稱虜主幼弱內外多難

難乃旦翻

天亡有期臣以為虜自去冬蹈藉王土磐據數郡

百姓殘亡今春以來連城圍逼國家未能復境何暇滅

虜元友所陳率多夸誕狂謀皆無事實言之甚易行之

甚難

易以政翻

臣竊尋元嘉以來僮荒遠人多干國議負檐

歸闕

僮助庚翻檐丁濫翻

皆勸討虜從來信納皆貽後悔境上之

人唯視强弱王師至彼必壺漿候塗裁見退軍便抄截

蜂起

抄楚交翻

此前後所見明驗非一也上乃止

史言劉劭諸識邊情

魏尉元遣使說東徐州刺史張譙譙以圍城降魏

魏已

得彭城又得圍城故因宋所置東徐州以命譙據水經注東莞郡治圍城在春秋之鄆邑西南四十里魏後

徙東徐州治下
邱說輪為翻魏以中書侍郎高閭與譙對為東徐州

刺史

考異曰尉元傳沈攸之既走元以書諭王玄載玄載與魯僧遵崔武仲楊繼皆走遂以高閭與張

譙對為東徐州刺史按三年十一月乙卯始以李璨與

畢衆敬對為東兖州刺史

宋兖州治瑕丘畢衆敬以瑕丘降魏魏以為東兖州蓋先

已有兗州也元又說兖州刺史王整

說輪為翻沈約曰宋失淮北僞立兖州寄治淮

陰時蕭道成鎮淮陰王整蓋屯徐州界領兖州刺史耳此時宋魏交兵疆吏能自守者即以州刺史命之無常

也蘭陵太守桓忻整忻皆降於魏魏以元為開府儀同

三司都督徐南北兖三州諸軍事徐州刺史鎮彭城州

治瑕丘以王整新
降故分南北克

召薛安都畢衆敬入朝

朝直至平城

遙翻

魏以上客待之羣從皆封侯賜第宅資給甚厚

從才用翻

慕容白曜圍歷城經年二月庚寅拔其東郭癸巳崔道

固面縛出降

考異曰宋畧云丙申索虜陷歷城執崔道固按後魏列傳道固表云以今月十四

日臣東郭失守以十七日面縛請罪長應是月丁丑朔今從之

白曜遣道固之子景業

與劉文暉同至梁鄒劉休賓亦出降白曜送道固休賓

及其僚屬於平城

辛丑以前龍驤將軍常珍奇為都

督司北豫二州諸軍事司州刺史魏西河公石攻之珍

奇軍騎奔壽陽

常珍奇自灌水奔壽陽驤思將翻騎奇寄詞下同

乙巳車騎

大將軍曲江莊公王玄謨卒

曲江縣漢屬桂陽郡宋屬廣興公相謚法屢征殺伐

曰莊武征而不遂曰莊

三月魏慕容白曜進圍東陽

白曜既得歷城始進

國東陽用郢

上以崔道固兄子僧祐為輔國將軍將兵

範之計也

數千從海道救歷城至不其聞歷城已沒遂降於魏

將即

亮翻其音基

降戶江翻

交州刺史劉牧卒州人李長仁殺牧北

來部曲據州反自稱刺史廣州刺史羊希使晉康太

守沛郡劉思道伐俚

晉穆帝永和七年分蒼梧立晉康郡今端州即其地李延壽曰記云

南方曰蠻有不大食者矣然其種類非一與華人錯居其流曰蛋曰獠曰俚曰獠曰色居無君長隨山洞而居

俚音

思道違節度失利希遣收之思道帥所領攻州

讀帥

曰希兵敗而死龍驤將軍陳伯紹將兵伐俚還擊思道

擒斬之

驤思將翻將即亮翻

希玄保之兄子也

羊玄保見一百廿三卷文帝元嘉十

七年夏四月己卯復減郡縣田租之半

復扶又翻

徙東海

王緯為廬江王山陽王休祐為晉平王上以廢帝謂緯

為驢王

見百三十卷元年

故以廬江封之

劉劭敗魏兵於許

昌

敗補

魏以南郡公李惠為征南大將軍儀同三司

都督關右諸軍事雍州刺史進爵為王

雍於用翻

五月乙

卯魏主政于崞山遂如繁峙

崞山縣即漢晉鴈門之崞縣魏曰崞山天平二年分

屬繁峙郡隋志鴈門崞縣有崞山據水經注山在繁峙之西湟水之南孟康曰崞音郭九域志繁峙縣在代州之東六十里辛酉還宮 六月魏以昌黎王馮熙為太傅熙

太后之兄也 秋七月庚申以驍騎將軍蕭道成為南

兖州刺史

代沈攸之也南兖州治廣陵驍堅堯翻騎奇寄翻

八月戊子以南

康相劉劭為交州刺史

相息亮翻

上以沈文秀之弟征北

中兵參軍文靜為輔國將軍統高密等五郡軍事

五郡蓋高

密平昌長廣自海道救東陽至不其城為魏所斷
其音東海東莞也

丁管因保城自固魏人攻之不克辛卯分青州置東青

州以文靜為刺史九月辛亥魏立皇叔楨為南安王

楨音貞長壽為城陽王太洛為章武王休為安定王冬

十月癸酉朔日有食之發諸州兵北伐十一月李長

仁遣使請降使疏吏翻降戶江翻自貶行州事許之十二月魏

人拔不其城殺沈文靜入東陽西郭義嘉之亂巫師

請發修寧陵戮玄宮為厭勝是歲改葬昭太后昭太后度曰修

寧晉安王子勛於昭后孫也改元義嘉南史曰修寧陵在孝武陵東南厭衣檢翻又並涉翻讓也

先

是中書侍郎舍人皆以名流為之

史曰先是謂元嘉以前通鑑因而書之先

悉薦

太祖始用寒士秋當

秋當人姓名姓譜秋姓秋胡之後

世祖猶雜

選士庶巢尚之戴法興皆用事

士謂巢尚之庶謂戴法興皆俱也

及上

即位盡用左右細人

細微也纖也小也細人言纖微小人也

遊擊將軍阮

佃夫中書通事舍人王道隆員外散騎侍郎楊運長等

並參預政事權亞人主巢戴所不及也佃夫尤恣橫人

有順迂禍福立至

佃音田散悉重翻騎奇寄翻橫下孟翻迂五故翻謂順之則有福迂之則

有大納貨賂所餉減二百匹絹則不報書園宅飲饌過
於諸王妓樂服飾宮掖不如也朝士貴賤莫不自結僕
隸皆不次除官捉車人至虎賁中郎將馬士至員外郎
捉車人持車者馬士控馬者員外郎謂員外散騎郎也
魏離戀翻又離皖翻妓渠織翻朝直遙翻賁音奔將即
翻亮

五年春正月癸亥上耕藉田大赦 沈文秀守東陽魏

人國之三年

泰始三年魏始攻文秀至此時首尾涉三年也

外無救援士卒晝

夜拒戰甲冑生蟻蟲無離叛之志乙丑魏人拔東陽史言

沈文秀善守以援兵不接而沒蟻居錦翻文秀解戎服正衣冠取所持節坐

齋內魏兵交至問沈文秀何在文秀厲聲曰身是

身猶今人

言魏人執之去其衣

去羌呂翻

縛送慕容白曜使之拜文秀

曰各兩國大臣何拜之有白曜還其衣為之設饌鎖送

平城魏主數其罪而宥之

為于偽翻數所具翻數其罪者以文秀既迎降復拒守也

待為下客給惡衣疏食

疏食粗飯也食祥吏翻

既而重其不屈稍

嘉禮之拜外都下大夫

外都下大夫外都大官之屬僚也拓跋氏所置於是青

冀之地盡入於魏矣

戊辰魏平昌宣王和其奴卒

二月己卯魏以慕容白曜為都督青齊東徐三州諸軍

事征南大將軍開府儀同三司青州刺史

宋置冀州於歷城魏既得

之改為齊州統東魏東平原東清河廣川濟南東太原六郡東徐州統東安東莞二郡

進爵濟南

王

濟子禮翻

白曜撫御有方東人安之

荀卿有言兼并易也堅疑之難魏并青徐

淮北四州之民未忘宋也惟其撫御有方民安其生不復引領南望矣書云撫我則后虐我則仇信哉魏

自天安以來

泰始二年魏改元天安

比歲旱饑重以青徐用兵山

東之民疲於賦役

比毘至翻重直用翻帥之所聚荆棘生焉大兵之後必有凶年豈謂是邪

顯祖命因民貧富為三等輸租之法等為三品上三品

輸平城中輸它州下輸本州又魏舊制常賦之外有雜
調十五至是悉罷之由是民稍贍給

調徒釣翻史言魏能紓民力

河東柳欣慰等謀反欲立太尉廬江王禧禧自以於帝
為兄而帝及諸兄弟皆輕之遂與欣慰等通謀相酬和

禧吁韋翻和呼仆翻

征北諮議參軍杜幼文告之丙申詔降禧為

車騎將軍開府儀同三司南豫州刺史出鎮宣城帝遣
腹心楊運長領兵防衛欣慰等並伏誅 三月魏人寇
汝陰太守楊文長擊却之 夏四月丙申魏大赦 五

月魏徙青齊民於平城置升城歷城民望於桑乾立平

齊郡以居之

據崔道固傳立平齊郡於平城西北新城五代志馬邑郡雲內縣後魏立平齊郡

乾音

自餘悉為奴婢分賜百官魏沙門統曇曜奏

沙門統猶

今之僧錄曇徒舍翻

平齊戶及諸民有能歲輸穀六十斛入僧曹

者即為僧祇戶粟為僧祇粟遇凶歲賑給飢民又請民犯重罪及官奴以為佛圖戶以供諸寺洒掃魏主並許

之於是僧祇戶粟及寺戶徧於州鎮矣

魏自北方并有諸夏亦依魏晉

制置諸州刺史其西北被邊夷晉雜居之地則置鎮將以鎮之祇翹移翻

史言魏割民力以奉釋氏

六

月魏立皇子宏為太子 癸酉以左衛將軍沈攸之為

郢州刺史 上又令有司奏廬江王瑋忿懣有怨言

懣直

類請窮治不許

治直之翻

丁丑免瑋官爵遣大鴻臚持節奉

詔責瑋

肅陵如翻

因逼令自殺子輔國將軍充明廢徙新安

冬十月丁卯朔日有食之 魏頓丘王李峻卒 十

一月丁未魏復遣使來修和親自是信使歲通

自元嘉之末南

北不復通好帝即位之三年四年再遣聘使

閏月戊

是歲魏使來復通好復扶又翻使疏吏翻

子以輔師將軍孟陽為兗州刺史始治淮陰

是歲改輔國將軍為

輔師將軍兖州本治瑕丘既入於魏始治淮陰蕭子顯曰淮陰縣前漢屬臨淮郡後漢屬下邳國晉屬廣陵郡穆帝永和中荀羨北討鮮卑以淮陰舊鎮地形都要水陸交通乃營丘城池是時既失淮北遂為重鎮後為北兖州治所九域志楚州淮陰縣在州西四十里

十二月戊戌司徒建安王休

仁解楊州休仁年與上鄰亞素相友愛景和之世上賴

其力以脫禍

事見上卷元年

及泰始初四方兵起休仁親當矢

石克成大功

事亦見上卷元年二年

任總百揆親寄甚隆由是朝

野輻湊上漸不悅

為帝殺休仁張本朝直違詔

休仁悟其旨故表解

楊州已未以桂陽王休範為楊州刺史分荊州之巴

東建平益州之巴西梓潼郡置三巴校尉治白帝

校戶教訓

先是三峽蠻獠歲為抄暴故立府以鎮之

先慈薦翻抄楚文訓府謂

三巴校尉府也

上以司徒叅軍東莞孫謙為巴東建平二郡太

守謙將之官敕募千人自隨謙曰蠻夷不賓蓋待之失

節耳何煩兵役以為國費固辭不受至郡開布恩信蠻

獠翕然懷之

獠魯皓翻

競餉金寶謙皆慰諭不受

臨海賊

帥田流自稱東海王剽掠海鹽殺鄧令

帥所類翻剽匹妙翻鄧縣自漢

以來屬會稽郡師古曰

東土大震

六年春正月乙亥初制間二年一祭南郊間一年一祭

明堂

昔周公郊祀后稷以配天宗祀文王於明堂以配上帝三歲一郊始於漢武帝平帝元始中始行祫

祭明堂之禮明帝永平初始盛其儀亦曰宗祀公羊傳曰古者五年而再殷祭謂祫祭也然古之所謂祫者合祭於太祖之廟而明堂宗祀則嚴父以配帝此先儒之說所以異也蔡邕謂明堂即太廟蓋有見於此歟然明堂九室而太廟七室則又不得而合也

間年一祭非古也故曰初制間古蒐翻

二月壬寅以

司徒休仁為太尉領司徒固辭

辭者以上不悅也然終不能免於禍

癸

丑納江智淵孫女為太子妃甲寅大赦令百官皆獻物始興太守孫泰伯止獻琴書上大怒封藥賜死既而原

之 魏以東郡王陸定國為司空定國麗之子也

宗愛之亂

陸麗有立嫡之功
乙渾之亂麗死之

魏主遣征西大將軍上黨王長孫

觀擊吐谷渾

長知兩翻吐從
嗽入聲谷音浴

夏四月辛丑魏大赦

戊申魏長孫觀與吐谷渾王拾寅戰於曼頭山

隋伐吐
谷渾置

河源郡有曼頭城蓋因山得名也
考異曰宋本紀作拾虔今從後魏書

拾寅敗走遣別駕

康盤龍入貢魏主囚之

癸亥立皇子變為晉熙王奉

晉熙王昶後

昶時
在魏

五月魏立皇弟長樂為建昌王

樂音

洛

六月癸卯以江州刺史王景文為尚書左僕射楊

州刺史以尚書僕射袁粲為右僕射上宮中大宴裸婦

人而觀之

裸郎果翻

王后以扇障面上怒曰外舍寒乞

寒乞猶言

窮陋也今共為樂何獨不視后曰為樂之事其方自多豈

有姑姊妹集而裸婦人以為笑外舍之樂雅異於此

樂音

洛上大怒遣后起后兄景文聞之曰后在家劣弱今段

遂能剛正如此

南兖州刺史蕭道成在軍中久

據蕭子顯

齊書文帝元嘉十九年遣道成討竟陵蠻則在軍中久矣

民間或言道成有異相當

為天子

齊書言道成姿表奇異龍顏鍾聲鱗文遍體相息亮翻

上疑之徵為黃門

侍郎越騎校尉

騎奇寄翻校戶教翻

道成懼不欲內遷而無計得

留冠軍叅軍廣陵荀伯玉勸道成遣數十騎入魏境安

置標榜

道成時假冠軍將軍以伯玉為叅軍冠古玩翻

魏果遣遊騎數百履行

境上

行下孟翻

道成以聞上使道成復本任秋九月命道成

遷鎮淮陰

按三年八月蕭道成以行徐州事鎮淮陰以沈攸之北伐使為後鎮也攸之北還道成代

為南兖州刺史鎮廣陵今復使遷鎮淮陰

以侍中中領軍劉劭為都督南徐

兖等五州諸軍事鎮廣陵 戊寅立總明觀置祭酒一

人儒玄文史學士各十人

文帝元嘉十五年立儒玄文史四學今置總明觀祭酒以

總之觀
古玩翻

柔然部真可汗侵魏可從刊入魏主引羣臣

議之尚書右僕射南平公宇文弼曰若車駕親征京師危

懼不如持重固守虜懸軍深入糧道無繼不久自退遣

將追擊破之必矣

將即亮翻

給事中張白澤曰蠢爾荒愚輕

犯王畧

杜預曰畧界也毛晃曰畧封界也

若鑒與親行必望麾崩散豈

可坐而縱敵以萬乘之尊嬰城自守非所以威服四夷

也

乘繩證翻

魏主從之白澤袞之孫也

魏道武之建國也張袞有功焉

魏主

使京兆王子推等督諸軍出西道任城王雲等督諸軍

出東道

任音

汝陰王天賜等督諸軍為前鋒隴西王源

賀等督諸軍為後繼鎮西將軍呂羅漢等掌留臺事諸

將會魏主於女水之濱

將即亮翻

與柔然戰柔然大敗乘勝

逐北斬首五萬級降者萬餘人獲戎馬器械不可勝計

勝音

旬有九日往返六千餘里改女水曰武川

按魏紀女水當

在長川之西赤城之西北後魏置武川鎮隋書宇文述代郡武川人代郡指代都平城也魏都平城謂之代都

代都以北列置鎮將其後

司徒東安王劉尼坐昏醉軍

罷鎮置州則武川屬代郡

陳不整免官

陳讀曰陣

壬申還至平城是時魏百官不給祿

少能以廉白自立者

前言魏王拔清節黜貪汙魏之牧守始有以廉潔著聞者此言魏之

百官少能以廉白自立蓋法行於州郡未行於朝廷也少詩治翻

魏主詔吏受所監臨

羊一口酒一斛者死與者以從坐論

監工衙翻

有能糾告尚

書已下罪狀者隨所糾官輕重授之張白澤諫曰昔周

之下士尚有代耕之祿

孟子曰周室班爵祿下士與庶人在官者同祿祿足以代其耕

也今皇朝貴臣服勤無報若使受禮者刑身

受禮謂受羊酒之禮

刑身謂刑加其身朝直違翻

糾之者代職臣恐姦人聞望忠臣懈節

懈居如此而求事簡民安不亦難乎請依律令舊法仍

班祿以酬廉吏魏主乃為之罷新法

為于偽翻

冬十月辛

卯詔以世祖繼體陷憲無遺

事見上卷二年

以皇子智隨為世

祖子立為武陵王

孝武廟號世祖智勢宋畧作贊列傳作智隨按太宗

考異曰宋本紀作

生子皆筮之以卦為其字今從列傳

初魏乙渾專政

事見上卷元年二年

慕容白

曜頗附之魏主追以為憾遂稱白曜謀反誅之及其弟

如意

初魏南郡尚書李敷儀曹尚書李訢

蕭子顯曰魏南部尚

書知南邊州郡儀曹尚書蓋知禮儀按魏初有殿中樂部駕部南部北部五尚書儀曹選曹等尚書中世所置

訢訢少相親善

少詩

與中書侍郎盧度世皆以才能為

世祖顯祖所罷任叅豫機密出納詔命其後訢出為相

州刺史

相息亮翻

受納貨賂為人所告敷掩蔽之顯祖聞之

檻車徵訢案驗服罪當死是時敷弟奕得幸於馮太后

帝意已疎之有司以中旨諷訢告敷兄弟陰事可以得

免訢謂其壻裴攸曰吾與敷族世雖遠恩踰同生今在

事勸吾為此

在事謂有司也言在官而止案敷之事

吾情所不忍每引簪

自刺

刺七亦翻

解帶自絞終不得死且吾安能知其陰事將

若之何攸曰何為為人死也

為為上如字下于偽翻

有馮闡者先

為敷所敗

敗補
邁翻

其家深怨之今詢其弟敷之陰事可得

也訢從之又趙郡范樹條列敷兄弟事狀凡三十餘條

樹與標同
音卑逞翻

有司以聞帝大怒誅敷兄弟

為馮太后鸛魏
主張本告李敷

兄弟者范樹其後告
李訢者亦范樹也

訢得減死鞭髡配役未幾復為太

倉尚書攝南部事

魏中世分殿中尚書所掌倉庫置太
倉尚書掌倉粟事也幾居宜翻復扶

又敷順之子也

李順以才能事魏太武
而為崔浩所告而誅

魏陽平王新

成卒是歲命龍驤將軍義興周山圖將兵屯決口討

田流平之

驤思將翻
決即協翻

柔然攻于闐于闐遣使者素目

加奉表詣魏求救魏主命公卿議之皆曰于闐去京師

幾萬里

北史曰于闐國去代九千八百里闐徒貲翻又堂見翻使疏吏翻伽求迦翻幾居希翻

蠕

蠕唯習野掠

蠕人充翻

不能攻城若其可攻尋已亡矣雖欲

遣師勢無所及魏主以議示使者使者亦以為然乃詔

之曰朕應急勅諸軍以拯汝難

難乃旦翻

但去汝遐阻必不

能救當時之急汝宜知之朕今練甲養士一二歲間當

躬帥猛將為汝除患

帥讀曰率為于偽翻

汝其謹修警候以待大

舉

資治通鑑卷一百三十二